



增刪卜易

國立臺灣圖書館典藏  
由國家圖書館數位化




74 18124/55 v.1

國立中央圖書館台灣分館



3 1111 003623574



增刪卜易

# 引言

卜筮之學。由來舊矣。其最古者。惟太乙奇門六壬三種。爲最著靈奇。然其理極深而難學。非專門研習不可。文王課以錢代著。方法簡易。學之頗易。如法演布。判斷人事。往往奇驗。此真吾人稽疑之妙術也。野鶴老人。教人多占之法。尤發前人所未發。而正宗闢之。殊有未當。蓋爲正當之事。占其心必誠。誠意占之。雖多占數次。亦無妨也。且所占之事。亟切而疑慮難明者。占之必有應驗。否則非禮非義。或心口不符。雖占亦無驗矣。譬如求財。應分正財橫財兩種。求謀機遇。資本營業。均屬正財。占之十常八九有驗。若貪圖非分。及投機賭博之占。存心徼倖。十常八九不應。不獨文王課爲然。其他占卜。莫不如是。而舉世貪圖徼倖者多。實於課理背道而馳。故特表而出之。以告世之欲決疑於占卜者。

民國乙丑年秋七月編者識





# 增刪卜易序

野鶴曰。卜易之道。乃伏羲文王周公孔子。四大聖人之心法也。得其精者。可以參天。兩地。粗知其理。亦可以趨吉避凶。凡學卜者。可以深求。亦可淺學。淺學者。只先學裝卦。知道動變。及卦之六冲。卦變六冲。看熟用神章中。占何人。占何事。以何爻爲用神。再看何爲旬空月破。及春夏秋冬。四時衰旺。生尅冲刑。卽知決斷禍福。

假令占功名。若得旺官持世。或日月動爻作官星。生合世爻。求名如拾芥耳。倘遇子孫持世。或子孫動於卦中。不拘占入場占陞遷。悉如水中撈月。

占求財。若得財星持世。或日月動爻作子孫。生合世爻。或官鬼持世。財動生之。或父母持世。財動尅世。皆許求財之易。爲長者以折枝耳。若遇兄弟持世。及兄弟動爻於卦中。或世臨旬空月破。何須緣木求魚。

如占一年月令。現任官者。宜官星持世。財動生之。皆許吉慶。若遇官鬼相尅。日月動爻



作子孫。冲尅世爻。或作官鬼冲尅世爻。或世空世破。官破官空。或世動化回頭尅。及子孫持世。皆爲凶兆。

士民而占月令者。最喜財爻及子孫爻持世。管許一歲亨通。若遇官鬼持世。得日月動爻作財星。生合世爻者。更主吉利。若無財動生合世爻。而官鬼持世者。必見災非。倘世破世空。及鬼動尅世。多見凶災。兄動尅世。口舌破財。

以上官府士民占流年者。合世之月則吉。冲世之月則凶。皆不宜世爻變鬼。及化回頭之尅。定見凶危。又不宜財動化父。父化財爻。鬼化父母。必有長上之災。弟兄變鬼。鬼變弟兄。必有手足之厄。財化鬼。鬼化財。財化兄。兄化財。主傷尅妻妾婢僕。子化鬼。鬼化子。父化子孫。子孫化父。小口有傷。青龍天喜持世。生世而有喜。虎鬼發動。主孝服。騰蛇朱雀臨兄。鬼動而尅世者。須防口舌。元武臨兄。鬼動而尅世者。防賊盜及陰人。如占避訟。防非仇人爲害。及行江漂海。深入險地。旅店孤眠。窮鄉僻壤。投寺宿廟。或營中貿易。錯買盜物。或見隣家火起。或聞瘟疫流行。防虎狼。防盜寇。或夜行早起。或踰



險。偷關。或已入是非之場。心憂禍患。或欲管閑事。恐惹災非。或入病家。以防沾染。或誤服毒物。恐致傷生。或已定重罪。而盼赦。或已得險病。而防危。或問此物。此藥。可以服否。或問借人烈馬。傷害我否。凡一切防災慮患者。但得子孫持世。及子孫動於卦中。或世動變出子孫。或世動化回頭相生。或官鬼動以相生。即使身坐虎口。管許安如泰山。惟忌官鬼持世。憂疑不解。鬼尅世。災禍必侵。世動化鬼。及化回頭尅者。禍已及身。避之無及。惟世爻空者無憂。世爻破者不利。

占病者。如自占病。若得世爻旺相。或日月動爻生合世爻。或子孫持世。或子孫動於卦中。不拘久病近病。或求神服藥。立保安康。近病者。世值旬空。或世動化空。或卦逢六冲。及卦變六冲。不須服藥。即許安痊。久病者。官鬼持世。遇休囚。或遇日月動爻尅世。或世值旬空。月破。世動化空。化破。或卦逢六冲。卦變六冲。或世動化鬼。及化回頭尅者。速宜救治。遲則扁鵲難醫。

占父母病。以父母爻爲用神。若得父爻旺相。或日月動爻生父母。或父動化旺。不拘久



病近病。求神服藥。立見安寧。

近病父爻值旬空。父動化空。或卦逢六冲。不藥而痊。

久病者父爻值旬空。月破。父動化空。化破。父動化財。財化父母。卦逢六冲。卦變六冲。或父爻休囚。又被日月動爻冲尅。爲子者須宜急急求醫。親嘗湯藥。勿遠離也。

占兄弟病者。若得兄爻旺相。或臨日月。或日月動爻相生。或兄動化旺化生。不拘病之遠近。立許全安。近病者兄爻值旬空。及動而化空。卦逢六冲。卦變六冲。服藥即愈。久病者兄爻值旬空。月破。及動而化空。化破。卦逢六冲。卦變六冲。兄動化鬼。鬼化兄爻。或兄爻休囚。被日月動爻冲尅。急急藥服求神。遲則難以調理。

占子孫病者。子孫爻旺相。或臨日月。或日月動爻生合。或子孫爻化回頭生。化旺。不拘病之新久。服藥求神即愈。

近病者。子孫爻值旬空。及動而化空。卦逢六冲。卦變六冲。不藥而愈。出痘者不宜六冲。



久病者。子孫逢旬空月破。及動而化空化破。卦逢六冲。卦變六冲。子孫動而化鬼。鬼化子孫。父化子。子化父。及日月動爻冲尅者。速宜服藥。遲則難於治矣。

占妻妾病。財爻爲用神。財爻旺相。或臨日月。或日月動爻相生。或財爻化子孫。及化帝旺者。不拘久病近病。治之卽愈。

近病者。妻財逢旬空。及動而化空。或爻逢六冲。卦變六冲。何須服藥。卽許災除。

久病者。財爻逢旬空月破。及動而化空化破。卦逢六冲。卦變六冲。或財動化鬼。鬼化財爻。兄動化財。財化兄弟。世有盧醫。亦難取效。

凡占三黨六親。及官長師生婢僕諸人之病。皆於用神章內。以取用神。

占朋友外人。以應爻爲用神。理之常也。而往往多有不驗者。何也。疑因不甚關切。不誠之故耳。

野鶴曰。客有問於予曰。據爾之言。占卜極易事也。卽如占功名。得旺官持世。以成名。子孫持世而失望。占疾病近病逢冲逢空。不藥而痊。久病逢冲逢空。靈丹莫救。如若



得此顯然者。自是不難知矣。倘占疾病。不逢六冲。用神不遇旬空。旺不旺而衰不衰。凶不凶而吉不吉。又如占功名。官與子孫皆不持世。六爻亂動。財父同興。何以決之。予曰。爾若垂簾賣卜。每日數十之占。未必盡得顯而易見之卦。凶中藏吉。吉處藏凶者。有之。必須與理深求。細心參悟。爾欲自知趨避者。必然卦不亂動。心無雜念。每遇一事。卽刻卜之。神不欺人。占名而名成者。卽得官星持世。而不成者。子孫卽動於卦中。如若間有卦之恍惚。次早潔誠再卜。再遇恍惚者。還可卜之。自當應响。只不可心懷兩事而占。一念之誠則散。連占兩三事者。則不靈也。又如占疾病。更易易耳。一人有病。一家俱可代占。若是近病。但有一卦爻逢六冲。或卦變六冲者。用神值旬空。及用神動而化空者。卽愈之疾。久病而逢此者。難治之災也。又如防災慮患。但得子孫持世。便與霹靂同居。管許安然無恙。有何難耶。客曰。占有瀆之不敢再三。何敢連占幾日。予曰。因此一語。誤盡卜卦之人。豈不聞三人占。聽二人之言。一事既可三處而占。何妨再瀆。然亦有不可再瀆者。以此一事。一刻而連占也。須於次日再卜可也。又



有連日亦不可而再瀆者有之。卽如占功名已得子孫持世。我心不悅。必欲求其官鬼持世而後已。此則謂之再三瀆也。然予亦有見其再三瀆者。未見神之不應也。予因少年辨復功名。占過七次。竟有六次而得子孫持世。此乃神不厭我多問。屢問而屢報也。又有厭予多問者。卽如我問求財卦。已明現有財。我心已知矣。我再問之神不告矣。而又以我未問之事而告我也。如今日占求財。辰土旺財持世。是我明知辰日得財。次日再占一卦。果於辰日得財否。卦得申金兄動而不得。是何說耶。及至辰日得財。至申日因他事而破財。始悟辰日之得財者。神已告我。我已知之矣。次日而再問之。神不告矣。報我申日而破財也。故知再三瀆者。神亦不見其責。而又報我再問之事也。此事極多。予著此書。傳後賢之秘法者。無他法也。教淺學者。凡遇卦之恍惚。心若未明。多占無碍。倘卦中已明現矣。不可再占。至於占病者。一人有病。一家俱可代占。自有顯然之卦。再者遇事卽占。乘此心而未亂。不可多積事情於心。事多心亂。卽非一念之誠也。教深學卜者。後有分占之法。及予所關諸書之謬。與增其奧妙。



宜細味之。此皆予四十餘年終久不違。須臾不離以得之也。實先賢之所未傳。須宜通前徹後。細心詳悟。自然巧奪天工。欲參天地之化育。測鬼神之隱微。而不難矣。覺予曰。倘遇急事。卦之恍惚者。一刻亦可連占三五卦。

增刪卜易總目

卷一

八卦章第一

卦象圖章第二

八宮章第三

渾天甲子章第四

六親歌章第五

世應章第六

動變章第七

用神章第八

用神元神忌神仇神章第九

元神忌神衰旺章第十

五行相生章第十一

五行相尅章第十二

尅處逢生章第十三

動靜生尅章第十四

動靜生冲合章第十五

四時旺相章又十五

月將章第十六

日辰章第十七



卷二

六神章第十八

六合章第十九

六冲章第二十

三刑章第二十一

暗動章第二十二

動散章第二十三

變卦生尅墓絕章第二十四

反伏章第二十五

旬空章第二十六

生旺墓絕章第二十六

各門類題頭總註章第又二十六

各門類應期總註章第又二十六

歸魂遊魂章第又二十六

月破章第二十七

飛伏神章第二十八

進神退神章第二十九

隨鬼入墓章第三十

獨發章第三十一

兩現章第三十二

星煞章第三十三

增刪黃金策千金賦章第三十四

天時章第三十五

卷四

身命章第三十六

終身財福章第三十七

終身功名有無章第三十八

壽元章第三十九

趨避章第四十

父母壽元章第四十一

兄弟章第四十二

夫婦章第四十三

子嗣章第四十四

學業章第四十五

治經章第四十六

延師章第四十七

求名章第四十八

童試章第四十九

歲考科考章第五十

增廩章第五十一

考遺才章第五十二

發案掛榜章第五十三

廷試章第五十四

鄉試會試章第五十五



陞選候補章第又五十五

陞選何方章第五十六

在任吉凶章第五十七

援例章第五十八

武試章第五十九

投磨効用入武從軍章第六十

署印謀差章第六十一

卷五

面聖上書叩闈獻策條陳効奏章第六十二

防叅効慮大計章

養親告病辭官章第六十三

修陵修河一切營造公務防患章第六十四

僧官道紀醫官雜職陰陽等官章第六十五

功名到何品級章第六十六

子占父功名章第六十七

求財章第六十八

謁貴求財章第六十九

爲貴人奔走効力求財章第七十

開行開店及各色舖面章第七十一

投行損益章第七十二

買貨賣貨章第七十三

賣貨宜守宜動章第七十四

往何方買賣章第七十五

買何貨爲吉章第七十六

借貸章第七十七

放債索債章第七十八

買賣六畜章第七十九

博戲章第八十

請會搖會章第八十一

行險求財章第八十二

婚姻章第八十二

此婚子嗣有無章第八十三

此婚有宜於父母否章第八十四

納寵章第八十五

取離婦跳娼婦章第八十六

胎孕章第八十七

問產婦安否章第八十八

產期章第八十九

嬰童否泰章第九十

出行章第九十一

舟行章第九十二

同舟共行章第九十三

行人章第九十四



卷六

防非避訟章第九十五

鬪毆爭兢章第九十六

興詞舉訟章第九十七

已定重罪章第九十八

疾病章第九十九

痘疹章第一百

病源章第一百一

鬼神章第一百二

延醫章第一百三

醫卜往治章第一百四

家宅章第一百五

蓋造買宅賣宅章第一百六

創造宮室章第一百七

修方動土章第一百八

遷居進火章第一百九

歸宅入火章第一百十

入宅六親吉凶章第一百十一

馬房豬圈章第一百十二

舊宅章第一百十三

同居章第一百十四

蓋造官衙章第一百十五

占衛宇章第一百十六

蓋造寺院章第一百十七

塋葬章第一百十八

尋地章第一百十九

占地形勢章第一百二十

卜得地於何時章第一百二十一

得地於何方章第一百二十二

占地師章第一百二十三

點穴章第一百二十四

謀地偷葬章第一百二十五

祖塋舊塚章第一百二十六

因何事所傷章第一百二十七

修補秘法章第一百二十八

再占修補吉凶章第一百二十九

新亡附葬祖塋章第一百三十



增刪卜易 總目



# 增刪卜易卷一

野鶴老人著

楚江李坦我平鑒定

湖南李文輝覺予增刪

增陳文吉茂生同校閱  
男茹芝山秀

## 八卦圖

乾爲父 震爲長男 坎爲中男 艮爲少男俱屬陽

坤爲母 巽爲長女 離爲中女 兌爲少女俱屬陰

## 卦象圖

乾三連 、、、連得三爻俱是單。爲乾卦。一點爲單

坤六斷 、、、、連得三爻俱是拆。爲坤卦。兩點爲拆

震仰盂 、、、初爻單。二爻三爻俱是拆。爲震卦。

艮覆碗 、、、初爻二爻俱是拆。三爻單。爲艮卦。

離中虛 、、、初爻單。二爻拆。三爻又單。爲離卦。



坎中滿 〃、〃初爻拆。二爻單。三爻又拆。爲坎卦。  
兌上缺 〃、〃初爻二爻俱是單。三爻拆。爲兌卦。  
巽下斷 〃、〃初爻拆。二爻三爻俱是單。爲巽卦。

占卦法用錢三文

一背爲單。點一點。兩背爲拆。平點兩點。三背爲重。畫上一圈。〇三字爲交。打上一  
又。又。圈兒仍算一點。又兒仍算兩點。

、此係單爻爲陽。今得〇謂之陽動。併作一點看。〃此係拆爻爲陰。今得又。謂之  
陰動。仍作兩點看。凡卦中但有圈兒又兒。謂之動。

凡問事者。通誠籍貫姓名。所占某事。執錢三文。擲於盤內。看係幾個字。幾個背。見一背  
者。點一點。兩背者。平點兩點。三背者。畫一圈。三字者。打一又。

今點一卦爲式

後式自下往上。

巽下斷上甲

第六次。	第五次。	第四次。	第三次。	第二次。	第一次。
得兩背。	得三背。	得三字。	得三背。	得兩背者。	得一背。
點兩點。	畫一圈。	打一爻。	畫一圈。	平點兩點。	點一點。

六爻

五爻

四爻

三爻

二爻

初爻

上三爻爲外卦。

下三爻爲內卦。

初學點卦者。但見一點兩點。容易明之。凡見○兒×兒。不甚明白。須要細心慢想。假如占得此卦。另用紙一張。點出此卦。將圈兒改作一點。×兒改作兩點。便知某卦。

今將前卦改此一卦爲式



前卦第三爻

○圈

兒改作一點。乃是離中虛卦。謂之內卦得離卦。離爲火。第四爻×兒改

作兩點。第五爻

○圈

兒又改作一點。乃是坎中滿卦。謂之外卦得坎卦。坎爲水。水在上。

火在下。名爲水火既濟卦。○點卦雖則由下點至上。今排卦名。又要由上而往下。此卦



水上火下。所以即是水火既濟。

再排一卦為式

第六次。第五次。第四次。第三次。第二次。第一次。

得一背。得三字。得一背。得兩背。得三背。得兩背。

點一點。打一爻。點一點。點兩點。畫一圈。點兩點。



初爻 一二爻 三爻 四爻 五爻 六爻

上三爻外卦。又兒仍算兩點。即是離中虛。離為火。下三爻內卦。兒仍算一點。即是

坎中滿。坎為水。火在上。水在下。卦名火水未濟。

### 八宮六十四卦名

乾宮八卦俱屬金須宜念熟

乾為天 天風姤 天山遯 天地否 風地觀 山地剝 火地晉 火天大有

坎宮八卦俱屬水

坎爲水 水澤節 水雷屯 水火既濟 澤火革 雷火豐 地火明夷 地水師

艮宮八卦俱屬土

艮爲山 山火賁 山天大畜 山澤損 火澤睽 天澤履 風澤中孚 風山漸

震宮八卦俱屬木

震爲雷 雷地豫 雷水解 雷風恒 地風升 水風井 澤風大過 澤雷隨

巽宮八卦俱屬木

巽爲風 風天小畜 風火家人 風雷益 天雷无妄 火雷噬嗑 山雷頤 山

風蠱

離宮八卦俱屬火

離爲火 火山旅 火風鼎 火水未濟 山水蒙 風水渙 天水訟 天火同人

坤宮八卦俱屬土



坤為地 地雷復 地澤臨 地天泰 雷天大壯 澤天夬 水天需 水地比

兌宮八卦俱屬金

兌為澤 澤水困 澤地萃 澤山咸 水山蹇 地山謙 雷山小過 雷澤歸妹

乾宮八卦全圖

初學點卦不排世應五行

會裝卦者須將占得之卦照此全圖裝

乾、世、應、天、應、世、應、世

為 戌土 申金 午火 辰土 寅木 子水 風 戌土 申金 午火 酉金 亥水 丑土

天 父母 兄弟 官鬼 父母 妻財 子孫 姤 父母 兄弟 官鬼 兄弟 子孫 父母

天、應、世、天、應、世、天、應、世、天、應、世、天、應、世、天、應、世

山 戌土 申金 午火 申金 午火 辰土 地 戌土 申金 午火 卯木 巳火 未土

遯 父母 兄弟 官鬼 兄弟 官鬼 父母 否 父母 兄弟 官鬼 妻財 官鬼 父母

風、世、應、山、世、應、

地 卯木 巳火 未土 卯土 巳火 未土 地 寅木 子水 戌土 卯木 巳火 未土

觀	妻財	官鬼	父母	妻財	官鬼	父母
火	、	、	、世	、	、	、應
地	巳火	未土	酉金	卯木	巳火	未土
晉	官鬼	父母	兄弟	妻財	官鬼	父母

坎宮八卦全圖

剝	妻財	子孫	父母	妻財	官鬼	父母
火	、應	、	、	、世	、	、
天	巳火	未土	酉金	辰土	寅木	子水
大有	官鬼	父母	兄弟	父母	妻財	子孫

坎	、世	、	、	、應	、	、
爲	子水	戌土	申金	午火	辰土	寅木
水	兄弟	官鬼	父母	妻財	官鬼	子孫
水	、	、應	、	、	、世	、
雷	子水	戌土	申金	辰土	寅木	子水
屯	兄弟	官鬼	父母	官鬼	子孫	兄弟
澤	、	、	、世	、	、	、應

水	、	、	、應	、	、	、世
澤	子水	戌土	申金	午火	辰土	寅木
節	兄弟	官鬼	父母	妻財	官鬼	子孫
水	、應	、	、	、世	、	、
火	子水	戌土	申金	亥水	丑土	卯木
既濟	兄弟	官鬼	父母	兄弟	官鬼	子孫
雷	、	、	、世	、	、	、應





火	澤	睽	風	澤	中	孚
巳火未土酉金丑土卯木巳火	父母兄弟子孫兄弟官鬼父母	卯木巳火未土丑土卯木巳火	官鬼父母兄弟兄弟	官鬼父母兄弟兄弟	官鬼父母兄弟兄弟	官鬼父母兄弟兄弟
天	澤	履	風	山	漸	
戌土申金午火丑土卯木巳火	兄弟子孫父母兄弟官鬼父母	卯木巳火未土申金午火辰土	官鬼父母兄弟子孫父母兄弟	官鬼父母兄弟子孫父母兄弟		

震宮八卦全圖

官鬼

震	爲	雷	雷	水
戌土申金午火辰土寅木子水	妻財官鬼子孫妻財兄弟父母	戌土申金午火辰土寅木	戌土申金午火辰土寅木	戌土申金午火辰土寅木
雷	地	豫	雷	風
戌土申金午火卯木巳火未土	妻財官鬼子孫兄弟子孫妻財	戌土申金午火酉金亥水丑土	戌土申金午火酉金亥水丑土	戌土申金午火酉金亥水丑土



解 妻財 官鬼 子孫 子孫 妻財 兄弟 恆 妻財 官鬼 子孫 官鬼 父母 妻財

地 、、、、世、 、、應、 、、世、 、、應、

風 酉金 亥水 丑土 酉金 亥水 丑土 風 子水 戌土 申金 酉金 亥水 丑土

升 官鬼 父母 妻財 官鬼 父母 妻財 井 父母 妻財 官鬼 官鬼 父母 妻財

澤 、、、、世、 、、應、 、、世、 、、應、

大風 未土 酉金 亥水 酉金 亥水 丑土 雷 未土 酉金 亥水 辰土 寅木 子水

過 妻財 官鬼 父母 官鬼 父母 妻財 隨 妻財 官鬼 父母 妻財 兄弟 父母

巽宮八卦全圖

巽 、、世、 、、應、 、、世、 、、應、

爲 卯木 巳火 未土 酉金 亥水 丑土 小天 卯木 巳火 未土 辰土 寅木 子水

風 兄弟 子孫 妻財 官鬼 父母 妻財 畜 兄弟 子孫 妻財 妻財 兄弟 父母

風 、、應、 、、世、 、、應、 、、世、

火 卯木 巳火 未土 亥水 丑土 卯木 雷 卯木 巳火 未土 辰土 寅木 子水  
 人 家 兄弟 子孫 妻財 父母 妻財 兄弟 益 兄弟 子孫 妻財 妻財 兄弟 父母

天 戌土 申金 午火 辰土 寅木 子水 火 巳火 未土 酉金 辰土 寅木 子水  
 无 妻財 官鬼 子孫 妻財 兄弟 父母 噬 子孫 妻財 官鬼 妻財 兄弟 父母

山 寅木 子水 戌土 辰土 寅木 子水 山 寅木 子水 戌土 酉金 亥水 丑土  
 妄 妻財 官鬼 子孫 妻財 兄弟 父母 嗑 子孫 妻財 官鬼 妻財 兄弟 父母

雷 寅木 子水 戌土 辰土 寅木 子水 風 寅木 子水 戌土 酉金 亥水 丑土  
 頤 兄弟 父母 妻財 妻財 兄弟 父母 蠱 兄弟 父母 妻財 官鬼 父母 妻財

離 巳火 未土 酉金 亥水 丑土 卯木 火 巳火 未土 酉金 申金 午火 辰土  
 爲 兄弟 子孫 妻財 官鬼 子孫 父母 旅 兄弟 子孫 妻財 妻財 兄弟 子孫

離宮八卦全圖

火 巳火 未土 酉金 亥水 丑土 卯木 火 巳火 未土 酉金 申金 午火 辰土  
 爲 兄弟 子孫 妻財 官鬼 子孫 父母 旅 兄弟 子孫 妻財 妻財 兄弟 子孫



火、應、世、

風 巳火 未土 酉金 亥水 丑土

鼎 兄弟 子孫 妻財 妻財 官鬼 子孫

山、世、應、

水 寅木 子水 戌土 午火 辰土 寅木

蒙 父母 官鬼 子孫 兄弟 子孫 父母

天、世、應、

水 戌土 申金 午火 午火 辰土 寅木

訟 子孫 妻財 兄弟 兄弟 子孫 父母

坤宮八卦全圖

坤 世、應、

爲 酉金 亥水 丑土 卯木 巳火 未土

火、應、世、

未 巳火 未土 酉金 午火 辰土 寅木

濟 兄弟 子孫 妻財 兄弟 子孫 父母

風、世、應、

水 卯木 巳火 未土 午火 辰土 寅木

渙 父母 兄弟 子孫 兄弟 子孫 父母

天、應、世、

火 戌土 申金 午火 亥水 丑土 卯木

同人 子孫 妻財 兄弟 官鬼 子孫 父母

地 世、應、

雷 酉金 亥水 丑土 辰土 寅木 子水

地 子孫 妻財 兄弟 官鬼 父母 兄弟

地 、、 應 、、 、、 世 、、

澤 酉金 亥水 丑土 丑土 卯木 巳火

臨 子孫 妻財 兄弟 兄弟 官鬼 父母

雷 、、 、、 世 、、 、、 應 、、

天 戌土 申金 午火 辰土 寅木 子水

大 兄弟 子孫 父母 兄弟 官鬼 妻財

壯 、、 、、 世 、、 、、 應 、、

水 子水 戌土 申金 辰土 寅木 子水

需 妻財 兄弟 子孫 兄弟 官鬼 父母

兌宮八卦全圖

妻財

復 子孫 妻財 兄弟 兄弟 官鬼 妻財

地 、、 應 、、 、、 世 、、

天 酉金 亥水 丑土 辰土 寅木 子水

泰 子孫 妻財 兄弟 兄弟 官鬼 妻財

澤 、、 、、 世 、、 、、 應 、、

天 未土 酉金 亥水 辰土 寅木 子水

夬 兄弟 子孫 妻財 兄弟 官鬼 妻財

水 、、 應 、、 、、 世 、、

地 子水 戌土 申金 卯木 巳火 未土

比 妻財 兄弟 子孫 官鬼 父母 兄弟

兌

、、 世 、、 、、 應 、、

澤

、、 、、 應 、、 、、 世 、、



爲 未土 酉金 亥水 丑土 卯木 巳火 水 未土 酉金 亥水 午火 辰土 寅木

澤 父母 兄弟 子孫 父母 妻財 官鬼 困 父母 兄弟 子孫 官鬼 父母 妻財

澤 、、 應、 、、 世、 澤 、、 應、 、 世、 、、

地 未土 酉金 亥水 卯木 巳火 未土 山 未土 酉金 亥水 申金 午火 辰土

萃 父母 兄弟 子孫 妻財 官鬼 父母 咸 父母 兄弟 子孫 兄弟 官鬼 父母

水 、、 、 世、 、、 應、 地 、、 世、 、 應、 、、

山 子水 戌土 申金 申金 午火 辰土 山 酉金 亥水 丑土 申金 午火 辰土

蹇 子孫 父母 兄弟 兄弟 官鬼 父母 謙 兄弟 子孫 父母 兄弟 官鬼 父母

雷 、、 世、 、、 應、 雷 、、 應、 、 世、 、

小山 戌土 申金 午火 申金 午火 辰土 歸澤 戌土 申金 午火 丑土 卯木 巳火

過 父母 兄弟 官鬼 兄弟 官鬼 父母 妹 父母 兄弟 官鬼 父母 妻財 官鬼

野鶴曰。昔者吾友宦遊時。以此全圖相送。友曰。余不知五行焉。知斷卦。予曰。先學點卦。



點出卦象看是何卦。卽在全圖內尋出此卦。照樣裝排世應。五行六親。不用念卦書。卽不知五行生尅之理。亦能決斷四宗大事。不管卦中動與不動。卽照全圖內單看世爻。占防憂慮患者。若得子孫持世無憂。官鬼持世憂疑難解。須宜加意防之。○占功名者。若得官鬼持世。卽許成名。子孫持世且宜待時。○占求財。妻財持世者必得。兄弟持世者難求。○占疾病者。若得六冲卦。近病不藥而愈。久病妙藥難調。

友曰。何以謂之子孫持世。予曰。子孫與世字同在一爻者。卽爲子孫持世。倘得官鬼與世字同在一爻者。卽是官鬼持世。其餘兄弟妻財持世。皆同此說。○要知何爲六冲卦者。乾爲天。坎爲水。艮爲山。震爲雷。巽爲風。離爲火。坤爲地。兌爲澤。此八宮頭一卦。皆是六冲卦。再者天雷无妄。雷天大壯。亦是六冲卦。一共十卦。其餘不是。

或問曰。求官者。若得官鬼持世。求名必成。求財者。若得妻財持世。求財必得。倘若官鬼爻與妻財爻。或值旬空月破。或被卦中子孫發動以傷官。兄弟發動以傷財。雖遇官鬼持世。妻財持世。有何益也。予曰。爾知五行之理。神早知之。所得之卦。若非凶中藏吉。定



是吉裏藏凶。此乃神聖引人以知其奧。自然要看旬空月破。生尅冲刑。今吾友不知五行之理。神亦早知。如若求名。禱於神曰。功名若成。賜我官鬼持世。倘若不成。賜我子孫持世。如占防憂慮。患禱於神曰。目下若有禍者。卦得官鬼持世。若能免禍逃災者。賜我子孫持世。所得之卦。自然顯而易見。若又隱微者。卽是神亦欺人。何以爲神。況予作此一段簡易之法。單欲教其全不知五行之士。學會占卦。卽照全圖裝排。就知決斷四宗大事。倘若稍知五行之理者。不可以此爲法。務必細看此書卷後。何爲空而不空。破而不破。何爲墓而不墓。絕而不絕。何爲眞反吟。假反吟。何爲進不進。退不退。何爲回頭尅者。生。何爲回頭尅者。死。何處可用神煞。何處不看用神。何爲占此而應彼。何爲占遠而應近。何爲得其法者。百占百靈。何爲不得其法者。屢占不驗。何爲元神有力。不生用神。何爲忌神無力。能傷用神。何處關諸書之謬。何處增巧驗之奇。細說種種之法。方能決事如神。

或又問曰。但令占明災慮。患若得子孫持世。自是無憂。若得官鬼持世。驚恐必見。倘卦

中並不現者。何以決之。予曰。一卦不現。再占一卦。再占不現。明日又占。昔人泥其不敢再瀆。所以無法。予見易經有云。三人占聽二人之言。古人一事。既可決於三處。今人何妨再瀆。予生平以來。稍得其奧者。全賴多占之力也。事之緩者。遲日再占。事之急者。歇歇又占。不拘早晚。不必焚香。深更半夜。亦可占之。只要單爲此事而占。不可又占他事。但有心懷兩三事。而占卦者。非一念之誠。決無靈驗。假令占功名。或是官鬼持世。或是子孫持世。得其一者。得失已知。不必占矣。不可厭其子孫持世。務必求其官鬼持世。而後已。此非理也。如占求財。或是妻財持世。或是兄弟持世。得其一者。則止。不必再占。倘一事而與衆人同其禍福者。各占一卦。決之更易。即如行舟遇暴風。家中防火燭。人人俱可占之。但有一卦。若得子孫持世。皆同無患。又如占疾病。病人自占。若不得六冲卦者。一家俱可代占。但有一人得六冲之卦。或係近病。或係久病。吉凶自了然矣。

告吾友曰。世人凡有疑難。開口則曰求神問卜。可見欲知未來之吉凶。除卜之外無他矣。予習周易有年。所卜之事。感應之理。就如神聖開口說話。眞令人毛骨悚然。因爾不



知周易之妙。不念卦書。不得不送此秘訣。試去行之。爾見其靈。從此自肯念書學卜。此法甚善。爾亦可以傳人。縉紳士民。行商坐賈。無人不可不用。須要全不知五行生尅之人。方用此法。倘若稍知五行者。神必現隱微之卦。須要先念渾天甲子六親歌。占出卦來。會裝五行六親。再學變動。卦中之動爻。動則必變。既知動變。然後再看用神仇神忌神。知此者。卽如入周易之門也。再看四時旺相章。五行相生相尅章。五行相沖相合章。旬空月破生旺墓絕章。又如升周易之堂矣。再看後卷各門各類。占何事。以何法斷之。漸漸由淺入深。以得其奧。不須半載工夫。得予改本拳拳之積學也。今予先點一卦。教爾學看用神。及五行生尅旺衰之理。

凡問事者。先寫年月日辰。再照六神章中。寫出六神。然後占卦。

卽如占

、世、  
、應、

得乾爲

戌土 申金 午火 辰土 寅木 子水

天卦

父母 兄弟 官鬼 父母 妻財 子孫



自占吉凶者以世爻爲用神。此卦世臨戌土。卽以此戌土爲自己之身。宜於旺相。最怕休囚。宜逢巳午之火以相生。最忌寅卯之木而相尅。又不宜世爻落空。又不宜世臨月破。此世爻戌土有四處生尅冲合。

○月建能生尅冲合一也

此卦世爻戌土。若在寅卯月占卦。被寅卯之木傷尅。卽爲世爻受傷。自占吉凶者。謂之休囚不利。若在辰月占卦。辰冲戌土。戌爲月破。此謂之世爻逢月破。卽如自己身子如破物也。百無所用。○若在巳午月占卦。巳午之火。乃是官星。能生成土。謂之火旺土相。世爻逢旺相。諸事可爲。○若在未丑月占卦。此兩月土旺之時。亦能幫扶戌土。此世爻戌土亦謂之旺相。亦以爲吉。○若在戌月占卦。世爻戌土而爲月建。此乃旺相以當時也。自占甚吉。諸事亨通。○若在申酉亥子月占卦。此戌土皆爲洩氣之時。謂之世爻休囚無力。○此謂之月建能生尅冲合世爻戌土之用神也。○要知何以謂之用神者。自占吉凶。用此世爻爲主。不曰世爻。而曰用神。占父母以父母爻爲用神。



○日辰能生尅冲合二也

此卦世爻戌土。若在寅卯日占卦。寅卯之木。能尅戌土。此世爻受日辰傷尅。不利之象。○若在辰日占卦。辰冲戌土。謂之世爻暗動。○若在巳午日占卦。巳午之火。卽是官星。能生戌土。此謂之世爻逢官星而生旺。諸事皆吉。○若在未丑二日占卦。土遇土而幫扶。此戌土亦爲得助。○若在戌日占卦。謂之世爻臨日建。當令得權。○若在申酉亥子日占卦。此戌土無尅無生。○此謂之日建能生尅冲合用神也。

○卦中之動爻能生尅冲合三也

此卦世爻戌土。倫卦中第二爻寅木發動。能尅戌土。第四爻午火官星發動。能生成土。第三爻辰土發動。能冲戌土。此謂之卦中之動爻能生尅冲合用神。

○世爻自動變出之爻能回頭生尅四也

世爻發動。動而必變。變出巳午之火。謂之回頭生世。變出寅卯之木。謂之回頭尅世。變出辰土。謂之回頭冲世。變出卯木。謂之合世。○此謂之用神自動。變出之爻能生尅冲

合用神也。

凡此四處。若得全來生合用神者。諸占全吉。倘有三處相生。一處相尅。亦作吉斷。若有兩處尅。兩處生者。須看旺衰。生用神之神旺相者。則以吉斷。尅用神之神旺相者。可作凶推。倘遇三處相尅。一處相生。若得相生之爻旺相者。亦可謂之尅處逢生。凶中得解。若值休囚者。有生之名。無生之實。與四處俱來尅者。同斷諸占大凶。

或問曰。此卦世爻戌土。並無變出寅卯巳午之理。予曰。他爻多有變出。回頭生尅。借此以爲法也。○又問曰。卯木能尅戌土。又與戌合。還以之爲尅。還是以之爲合。予曰。五行相合章。註解極明。○又問曰。此卦乾爲天。卦中午火作官星是也。如何。午月午日占卦。亦以此午火作官星。何也。予曰。不拘占得何卦。卦內若以巳午火作官星者。如遇巳午月日占卦。此巳午月日亦作官星。卦中若以巳午之火作財星者。而日月巳午亦作財星。餘倣此。○旺相休囚者。四時旺相章查之。○空破者。旬空月破章查之。○冲合者。五行相冲。五行相合章查之。○生尅者。五行相生。五行相尅章查之。○元神者。元神章查。



之用神官星者。在用神章查之。○暗動者。在暗動神章查之。○回頭生。回頭尅者。在動變生尅章查之。○日辰月建者。在日辰月將章查之。

占父母者。以卦中之父母爻爲用神。此卦辰戌兩爻。俱是父母。若兩爻俱動。或俱不動。擇其旺者而爲用神。如一爻動者。擇其動者爲用神。父母旣臨辰戌二土。卽以土爲父母。宜火相生。怕木相尅。忌臨月破旬空。亦有四處生尅冲合。俱宜生多尅少爲吉。與前世爻參看。○占宅舍車舟文書章奏。皆以父母爻爲用神。須在用神章細看。○占他人者。以應爻爲用神。此卦應臨辰土。欲其吉者。宜四處相生。欲其衰者。宜四處以冲尅。○占兄弟者。以兄弟爻爲用神。此卦申金兄弟。卽用此爻。宜土相生。怕火相尅。忌臨月破旬空。亦有四處生尅。俱是多生少尅爲吉。尅多生少爲凶。

又云。兄弟爻乃劫財之神。如占兄弟姐妹之否泰者。宜其生旺。不宜臨月破旬空。如占妻妾婢僕。及財物者。最宜多尅少生。更喜逢空逢破。使其不能劫我之財。尅我之妻妾

婢僕。



占妻妾婢僕及占財物者。以妻財爻爲用神。此卦寅木妻財。卽是用神。忌臨旬空月破。宜水相生。怕金相尅。亦有四處生尅。多生少尅爲吉。與前同看。○凡占金銀買賣。皆以妻財爲用神。須在用神章中細看。○占子孫者。以子孫爲用神。此卦初爻子水。卽是用神。忌臨月破旬空。喜金相生。怕土相尅。亦有四處生尅冲合。宜其尅少生多。照前同看。○占他事。以子孫爻爲用神者亦多。用神章中查之。○占功名。以官鬼爻爲用神。此卦午火官星。卽用此爻。最忌逢空逢破。怕水相尅。宜木相生。亦有四處生尅。與前同看。○占鬼崇妖孽亂臣賊盜。皆細法。恐爾初學不明。須在用神章細看。

從前至此。所論諸事。後卷俱有。以官鬼爻爲用神。得其門而入。寫此以爲綱領。引爾以入門也。知此綱領。再細詳後卷各章。由淺入深。自入佳境。

前八宮全圖。皆是靜爻。然卦必有動。動則必變。後篇雖有動變章。恐爾不明。再排一變卦爲式。與爾細詳。凡卦有○兒變出、圈兒爲重。重爲陽。陽動變陰。凡卦有×兒變出、×兒爲交。交爲陰。陰動變陽。



即如占

×、世、  
、應○

得澤天

未土 酉金 亥水 辰土 寅木 子水

夬

兄弟 子孫 妻財 兄弟 官鬼 妻財

變出

、  
、  
、  
、  
、  
、

天風

戌土  
丑土

姤卦

兄弟  
兄弟

上三爻外卦。乃是兌卦。兌為澤。 下三爻內卦。乃是乾卦。乾為天。

澤在上。天在下。即是澤為夬卦。即于全圖內。尋出澤天夬卦。照樣裝出世應五行六

親。然後再看動爻。

上三爻兌卦。第六爻交動。×兒交出、爻。即是兌卦。變乾卦。乾為天。

下三爻乾卦。初爻重動。○兒變出、爻。即是乾卦。變巽卦。巽為風。

天在上。風在下。即是變出天風姤卦。再往全圖內。尋出天風姤卦。以姤卦初爻之丑

土寫在乾卦初爻發動子水之傍。謂之子水變出丑土。以垢卦第六爻之戌土寫在前卦六爻發動之傍。卽是未土變出戌土。餘爻不動不變。不必寫出。○安六親者。姤卦之丑土戌土原是父母。今俱寫兄弟者何也。六親須照前卦而論也。前卦澤天夫土爲兄弟。所以變卦之丑戌二土亦寫兄弟。餘卦倣此。

#### 渾天甲子章第四

乾在內卦。子水寅木辰土。乾在外卦。午火申金戌土。坎在內卦。寅木辰土午火。坎在外卦。申金戌土子水。艮在內卦。辰土午火申金。艮在外卦。戌土子水寅木。震在內卦。子水寅木辰土。震在外卦。午火申金戌土。巽在內卦。丑土亥水酉金。巽在外卦。未土巳火卯木。離在內卦。卯木丑土亥水。離在外卦。酉金未土巳火。坤在內卦。未土巳火卯木。坤在外卦。丑土亥水酉金。兌在內卦。巳火卯木丑土。兌在外卦。亥水酉金未土。

假令占得

、  
、  
、  
、  
、  
、

天風姤卦

戌土 申金 午火 酉金 亥水 丑土



上三爻是乾卦。即是乾在外卦。午火申金戌土。下三爻是巽卦。即是巽在內卦。丑土亥水酉金。點卦由下點至上。故裝五行亦由下而往上。餘倣此。

### 六親歌第五

乾兌金兄土父傳。木財火鬼水子然。乾宮八卦 兌宮八卦俱屬金。

坎宮水兄火爲財。土鬼金父木子來。坎宮八卦俱屬水。

坤艮土兄火爲父。水鬼水財金子路。坤宮八卦 艮宮八卦俱屬土。

離宮火兄水爲鬼。土子木父金財助。離宮八卦屬俱火。

震巽木兄水父母。金鬼火子財是土。震宮八卦 巽宮八卦俱屬木。

假令占得

乾爲天卦

世、應、

戌土 申金 午火 辰土 寅木 子水

父母 兄弟 官鬼 父母 妻財 子孫

卽照乾兌金兄土父木財火鬼裝之。所以辰戌二土爲父母。申金爲兄弟。火爲官鬼。木是妻財。水是子孫。餘卦倣此。

### 世應章第六

乾爲天世在六。天風姤世在初。天山遯世在二。天地否世在三。風地觀世在四。山則剝世在五。火地晉世退在四。火天大有世退在三爻。隔世爻兩位卽是應爻。餘卦倣此。

### 動變章第七

六爻不動則不變。動則必變。○爲陽。動則變。×爲陰。動則變。

假令 乾卦初爻動、、○ 乾卦上下動○、○

變成巽卦、、、、 變作坎卦、、、、

假令 坤卦中爻動、、×、、 坤卦三爻動××××

變作坎卦、、、、 變作乾卦、、、、



假令占得水天需

×

×世

○

○應

變天水訟

子水

戌土

申金

辰土

寅木

子水

妻財

兄弟

子孫

兄弟

官鬼

妻財

占得水天需為正卦

戌土

午火

午火

寅木

變出天水訟為變卦

兄弟

父母

父母

官鬼

上二爻坎卦。即是坎在外卦。申金戌土子水。所以四爻申金。五爻戌土。上爻子水。×變出乾卦。即是乾在外卦。午火申金戌土。所以申金變出午火。子水變出戌土。中爻不動。則不變。○變出之爻。安六親者。仍照正卦而安。餘卦倣此。

用神章第八

父母爻

占父母。即以卦中之父母爻為用神。○祖父母伯叔姑姨父母。凡在我父母之上。或與

我父母同輩之親。及師長妻父母乳母。拜認之父母。三父八母。或僕占主人。皆以父母

爻爲用神。○占天地城池牆垣宅舍屋宇舟車衣服雨具綉緞布疋各貨及章奏文書文章書館文契亦以父母爲用神。物類亦多。在人通變。一切庇羈我身者是也。

### 官鬼爻

占功名。占官府。雷霆鬼神。妻占夫。皆以官鬼爻爲用神。○占亂臣賊盜邪崇亦以官鬼爻爲用神。物類亦多。一切拘束我身者是也。

### 兄弟爻

占兄弟姐妹。族中兄弟。姑姨姐妹。姐夫及結拜弟兄。皆以兄弟爻爲用神。○兄弟乃同類之人。彼得志則欺陵。見財則奪。所以占財物。以之爲劫財之神。占謀事。以之爲阻隔之神。占妻妾婢僕。以之爲刑傷尅害之神。○占姐夫妹夫。以兄弟爻爲用神。予屢得驗。○占表兄弟。以兄弟爻爲用神而不驗。還以應爲用神。

### 妻財爻

占妻妾婢僕下役。凡我驅使之。人皆以財爻爲用神。○占貨財珠寶金銀倉庫錢糧。一



切使用之財物。什物器皿。亦以財爻爲用神。

子孫爻

占子孫。占女。女壻。姪甥門徒。凡在我子孫輩中。皆以子孫爲用神。○占忠臣良將。醫人醫藥。僧道兵卒。皆以子孫爲用神。○占六畜禽獸。亦以子孫爲用神。○子孫爲福德之神。爲制鬼之神。爲解憂之神。又爲剝官削職之神。故謂之子孫。乃是福神。諸事見之爲喜。獨占功名者忌之。

用神元神忌神仇神章第九

用神卽前各類之用神也。○元神者。生用神之爻。卽爲元神。○忌神者。尅用神之爻也。○仇神者。尅制元神。不能生用。反生忌神。而尅害用神。假令金爲用神。生金者土也。土爲元神。尅金者火也。火爲忌神。尅土生火者木也。木爲仇神。○不拘占何事。先看何爻爲用神。旣得用神。須看旺相否。有元神動而生扶否。有忌神動而尅害否。

卽如辰月戊申日占父近病

世

〇

應

得乾爲天卦

戌土

申金

午火  
官鬼

辰土

寅木

子水

變風天小畜

父母

兄弟

未土  
父母

父母

妻財

子孫

一人執此卦而問予曰。近病逢冲即愈。此卦乃係六冲。但予父病之甚重。爾看愈於何日。予曰。此卦辰土未土戌土三重父母爻。當擇其旺者而用之。今辰土父母臨月建。即用辰土爲用神。目下病重者。乃因申日冲寅木而暗動。木動以尅辰土。彼問曰。卦中午火發動。寅木雖則暗動。反生午火而生土。卜書云。忌神與元神同動。則兩生也。今止曰。寅木尅辰土。不曰午火生辰土。何也。予曰。午火雖動。化出未土。午與未合。午火貪合不生辰土。所以此辰土單受寅木之尅。不得午火之生。故此病體沈重。須待丑日冲去未土。而午火無合可貪。午火生土。其災退矣。果于丑日起床。

### 元神忌神衰旺章第十

元神雖生用神。須要旺相。方可生得用神。

元神能生用神者有五



元神旺相。或臨日月。或日月動爻生扶者。一也。○元神動化回頭生。及化進神者。二也。○元神長生帝旺于日辰。三也。○元神與忌神同動。四也。○元神旺動臨空化空。五也。占以臨空化空為無用。非也。殊不知動不為空。即應冲空實空之日而有用也。故以為吉。能生用神。此五者乃有力之用神也。諸占皆吉。

即以西月辛卯日占謁貴求財

、世 ○ 、 、應 、 ○

得兌為澤卦

未土 申金 兄弟 亥水 丑土 卯木 巳火 官鬼

變雷水解卦

父母 申金 兄弟 子孫 父母 妻財 寅木 妻財

斷曰：申寅日得見財亦如心。彼曰：卯木財爻空而且破。而被金尅。初爻巳火官雖生世。亥日冲散。又化旬空。何以為吉。予曰：神兆機於動。予從來不言散。正因巳火化空。所以

目下不見。待甲寅日出空而相見矣。寅木之財以生官。官來生世。果於寅日得見。本日得財。

元神雖現又有不能生用神者有六

元神休囚不動。或動而休囚。又被傷尅者。一也。○元神休囚。又逢旬空月破。二也。○元神休囚動化退神。三也。○元神衰而又絕。四也。○元神入五墓。五也。○元神休囚動而化絕化尅化破化散。六也。○以上見生不生。乃無用之元神也。雖有如無。

忌神動而尅害用神者有五

忌神旺相。或遇日月動爻生扶。或臨日月者。一也。○忌神動化回頭生化進神者。二也。○忌神旺動臨空化空。三也。○忌神長生帝旺于日辰。四也。忌神與仇神同動。五也。○以上之忌神者。如斧鉞之忌神也。諸占大凶。

忌神雖動又有不能尅用神者有七

忌神休囚不動。動而休囚。被日月動爻尅者。一也。○忌神靜臨空破。二也。○忌神入五墓。三也。○忌神衰動化退神。四也。○忌神衰而又絕。五也。○忌神動化絕化尅化破化散。六也。○忌神與元神同動。七也。○此忌神者乃無力之忌神也。諸占化凶爲吉。○以上論元神忌神之有力無力者。亦要用神有氣。倘若用神無根。謂之元神有力。亦難生。



忌神無力何足喜。

如巳月乙未日

自占病得澤風

大過變火風鼎

自占病。世爻亥水為用神。被未土忌神動而尅水。幸得酉金元神亦動。忌神未土反生元神之酉金。金生亥水。接續相生。化凶而為吉矣。豈知亥水月冲日尅。值月破而被尅。雖有生扶。生之不起。如樹無根。寒谷不回春也。果卒于癸卯日。應卯日者。冲去元神之日也。此謂之用神無根。元神有力亦難生。

五行相生章第十一

金生水 水生木 木生火 火生土 土生金

凡用神元神宜于逢生。月建生。日建生。動爻生。動化回頭生。

即如卯月己卯日弟

× ○ 世 應

未土 酉金 亥 酉 亥 丑

子巳火 財未土 父 官 父 財





外卦未土父母。卯月尅之內卦亥卯未合成木局。又相尅制。月尅日刑。全無救助。果至重刑。

同日妹占兄官事同

應

世

此一案亦擬重罪得

戌 申金

午

卯 巳火

未

天地否卦變天水訟

父 兄

鬼

財 鬼

父

此申金兄爻為用神。巳火鬼動刑尅申金。重罪定矣。幸喜辰日沖動戌土父母。暗動生申。尅處逢生。若有父母。可以救之。後因父年八旬。援例恩留免死。聖人作易。令人趨吉避凶。未卜而不知者。是大數也。卜之而神不告。亦大數也。如巳卜之神已告之。明知而故犯者。亦不可盡委之于數也。命也。

尅處逢生章第十三

受此處之尅。得彼處之生。即為尅處逢生。大凡用神元神。以尅少生多為吉。忌神者。尅少生多為凶。所以忌神宜尅。不宜生也。

如辰月丙申日占

弟痘症業已臨危

得既濟卦變革卦

斷曰。月建辰土。雖尅亥水兄弟。賴申日以生之。又得動爻相生。臨危有救。果于本日酉時。得明醫而救活。至己亥日全愈。

### 動靜生尅章第十四

六爻安靜旺相之爻。可以生得休囚之爻。亦可以尅得休囚之爻。蓋旺相者。如有力之人也。

假令春天寅卯

日占得坤卦

如占父母。巳火爲父母。三爻之卯木。當春旺相。能生巳火。卽爲父母旺相。巳火父母。旣逢春木相生。父旺能尅子孫。如占子孫。子孫衰矣。○春木當令。能尅丑未。二土臨兄弟。

應、  
世、

子 戌 父申金 亥水 丑 卯

兄 鬼 兄亥 兄 鬼 子

世、

應、

世、

酉金 亥水 丑土 卯木 巳火 未土

子 財 兄 官 父 兄



如占兄弟。謂之休囚無氣。餘做此。

卦有動爻。即使靜爻能尅。靜爻旺相。亦不能尅動爻。

假令寅月占

世 ○ 應

得兌卦變歸

未土 酉金 亥水 丑土 卯木 巳火

妹卦

父 兄 子 父 財 鬼

酉金發動。雖則休囚。動而能尅旺相之卯木。○卯木當令。能尅丑未二土。今既木被金傷。亦難尅土。餘做此。○靜者如坐如臥。動者如行走之人也。

動變生尅冲合章第十五

卦有動爻。動而必變。夫變出之爻。能生尅冲合本位之動爻。不能生尅他爻。而他爻與本位之動爻。亦不能生尅他變爻。

假令子月卯日

世 應

占得坤卦

酉金 亥 丑土 卯 巳 未

變火地晉

巳火  
父母

財  
酉金  
子孫

鬼

父

兄

酉金發動。酉爲動爻。變出巳火。巳爲變爻。變爻之巳火。能回頭尅本位之酉金。並不能生尅他爻。○四爻之丑土。動而能生世爻之酉金。不能生變出之酉金。而變出之酉金。亦不能生尅他爻。○然則變爻誰能制之。惟日月能生之。尅之。冲之。合之。何也。日月如天。能生尅動爻。靜爻。飛爻。伏爻。變爻。而諸爻皆不能傷日月。黃金策曰。爻傷日。徒受其名。卽如此卦。子水月建。能尅世爻。變出之巳火。卯爲日建。能冲變出之酉金。是也。餘倣此。

### 四時旺相章第又十五

正月寅爲月建。寅木旺。卯木次之。○二月卯爲月建。卯木旺。寅木次之。

正二月木爲旺。火爲相。其餘金水土俱作休囚。

三月辰爲月建。辰土旺。丑未之土次之。金賴土生。金爲相。木雖不旺。還有餘氣。其餘俱作休囚。



四月巳爲月建。巳火旺。午火次之。

五月午爲月建。午火旺。巳火次之。又曰五月火旺。土相。其餘俱作休囚。

六月未爲月建。未土旺。辰戌之土次之。土生金。金爲相。火雖衰矣。亦有餘氣存焉。其餘俱作休囚。

七月申爲月建。申金旺。酉金次之。

八月酉爲月建。酉金旺。申金次之。又七八月金旺生水。水爲相。其餘俱作休囚。

九月戌爲月建。戌土旺。丑未之土次之。土生金。金爲相。其餘俱作休囚。

十月亥爲月建。亥水旺。子水次之。

十一月子爲月建。子水旺。亥水次之。又十月十一月水生木。木爲相。其餘俱以衰論。

十二月丑爲月建。丑土旺。辰戌之土次之。土生金。金爲相。水雖衰矣。猶有餘氣。其餘俱作休囚。

月將卽是月建又爲月令○掌一月之權司三旬之令○一月三十日內當權得令○  
操持萬卜之提綱巡察六爻之善惡能助卦爻之衰弱能挫爻象之旺強制服動變之  
爻扶起飛伏之用○月將乃當權之主帥萬卜以之爲綱領○爻之衰弱者能生之合  
之比之拱之扶之衰而亦旺○爻之強旺者能冲之尅之刑之破之旺而亦衰○卦有  
變爻尅制動爻者月建能制服變爻○卦有動爻尅制靜爻者亦能制服動爻○用神  
伏藏被飛神壓住者月建能冲尅飛神生助伏神而爲用也

爻逢月合而有用爻逢月破而無功○月建合爻則爲月合乃有用之爻也月冲之爻  
卽爲月破無用之爻也

月建不入爻亦爲有用月建一入卦愈見剛強○卦無用神卽以月建爲用神不必尋  
伏神也○月建入卦動而作元神者爲福更大動而作忌神者爲禍更深不入卦者緩  
之

爻值月建旺相當權逢空不空逢傷無害○古有此說予試不然在旬內者畢竟爲空



如寅月庚戌日占

求財得火天大有

巳	未	酉	辰	寅	子
官	父	兄	父	財	子

斷曰寅木財爻爲用神。財爻尅世。此財必得。但目下尙空。要到甲寅日出空可得。果子甲寅得之。古以逢空不空。非也。若在旬內。還作空亡。必待出旬。不爲空也。

逢空亦空。終非落底之空。逢傷亦傷。却有待時之用。所以用神逢空。勿卽指爲不空。畢竟爲空。但此空者。乃目下旬內之空也。待至出空之日。則不空矣。○作忌神者。出而爲禍。作元神者。出而爲福。非比休囚之真空。到底而爲空也。○爻值月建。乃爲旺矣。或被他所尅。卽謂之逢傷。占病者目下不愈。占事者目下不成。待至冲去傷爻之日。則不受其傷矣。病者必愈。圖事必成。故曰逢傷亦傷。却有待時之用。

如酉月丙寅日

應	世
---	---

占謁貴得山風

寅	子	戌	酉	亥	丑
---	---	---	---	---	---







又如午月丁未日

〇、應、X、世

占弟被論吉凶得

未 酉金 亥 午火 辰 寅

困卦變雷風恒卦

父 申金 子 酉金 父 財

酉金兄爻為用神。午月尅之。未日生之。可以相敵。但不宜。又午火動出相尅。正所謂最

怕他爻增尅制。彼問有大害否。予曰。午火為月建。動于卦中。謂之入卦者。更見剛強。又

謂之月建作忌神。得禍不淺。大凶之象。又問凶在何時。予曰。酉金兄爻化退神。今歲辰

年太歲相合。自是無妨。恐退至申年。而無路矣。果于本年下獄。至申年而被重刑。

大象吉者。從斯而泰。大象凶者。出月遭屯。〇尅少生多者。大象吉也。尅多生少者。大象

凶也。〇大象雖凶。在月內還許不碍。出此月而受其殃。

用神遇之。得福不輕。忌神逢之。得禍不淺。〇此言用神臨月建。並無他爻以傷尅者。凡

占皆吉。忌神臨月建。而用神休囚無救者。諸占皆凶。

生扶忌神。乃助惡而為虐。尅制元神。乃邀路以截糧。〇忌神尅害用神。得月建尅制。忌



神者名爲有救。若月建反生忌神者。助惡而爲虐也。○如用神得元神之生。月建又生元神。吉而又吉。倘月建若尅制元神者。如梟神強奪食也。

物窮則變。器滿則傾。○用神衰矣。遇時則發。卽如用神臨火。冬占不旺。將到春來則旺矣。謂之物窮則變。○又如正月占卦。用神臨寅木。月建謂之太旺。若到秋來。遇辰冲尅。不無破敗。故謂之器滿則傾。

如寅月辛酉日

○世 、、 應 、、

占開舖而得艮

官寅木 子 戌 申 午 辰

卦變明彞卦

子酉金 財 兄 子 父 卯鬼

世臨寅木。得令當時。目下開張。可許熱鬧。獨嫌日辰尅世。世化回頭之尅。生少尅多。又是六冲卦。六冲不久。彼曰。或是夥計不同心。或是別有他事。予曰。鬼在身邊。須防疾病。夥件從此變心。必受其累。果于六月痢疾。至八月未愈。夥計盜盡。鳴之于官。分文不獲。此謂之當時旺相無傷。過時受害。○應日月者。木墓于未。夥計變心者。應爻申金。秋天



當令而冲世財被盜盡者。因子水財落空亡。

逢絕不絕。逢冲不散。日生月尅。兼看生扶。日尅月生。兼查冲尅。○月將當權。豈能衰絕。

旺相如剛。豈能冲散。月尅日生。遇帮扶而愈旺。月生日尅。逢尅制而亦衰。

如午月戌辰日

占妹臨產吉凶

得火地晉卦

、  
、世  
、  
、應

巳 未 酉金 卯 巳 未

鬼 父 兄 財 鬼 父

酉金兄爻爲用神。月令尅之。日建生之。許之無碍。卯日卯時必生。果于次日卯時生。母子平安。應卯時者。酉金與辰日相合。黃金策曰。若逢合住。必待冲開。此月尅而日生。無增尅制帮扶也。

日辰章第十七

子水 丑土 寅木 卯木 辰土 巳火

午火 未土 申金 酉金 戌土 亥水

日辰爲六爻之主宰。司四時之旺相。○前章言月令司三旬之令。令于春則生。令于秋則殺。春夏秋冬各令其時。獨日辰不然。四時俱旺。操生殺之權。與月建同功。○冲旺相之靜爻。卽爲暗動。冲衰弱之靜爻。則爲日破。爻之旺而靜者。冲之則爲暗動。愈得其力。爻之靜而衰者。冲之則爲日破。愈加無用。○冲空卽起。冲合卽開。爻之衰弱。能生扶拱合。如時雨之滋苗。爻之强旺。能尅害刑冲。似秋霜之殺草。○爻遇旬空。日辰冲起而爲用。謂之冲空則實。○爻逢合住。遇日建以冲開。謂之合處逢冲是也。○但凶神合處喜逢冲。吉神合住不宜冲也。○爻之强弱。日辰能生之合之旺之。同類者比之扶之。○爻之强旺者。能刑之冲之尅之。絕之墓之。爻旺而動。冲之愈動。爻衰而動。冲之則散。○他書有云。爻逢月建日冲而不散。是明知當令。不畏日冲。及至講論禍福。不拘旺相休囚。一概俱以散論。最重者散。獨予屢試。偏不應乎散。神兆幾於動。動則必驗。並不見其散也。旺相遇冲之愈强。休囚無氣者。間乎言散。亦百中僅一二也。





亥水財爻爲用神。亥爲月破。雖值日建。破而不破。又不宜四重土動以傷之。諺云。雙拳不敵四手。不獨難望歸期。猶防不測。果於午月卯日得信。中途已遭害矣。此章當與月建章參看。

總註。旺之者。爻之帝旺於日也。比之者。爻與日月同也。扶之拱之者。爻與日月同類也。墓之絕之者。爻墓絕於日也。

李我平曰。易冒以爻臨日辰。莫能散之。莫能空之。謂逢散而不散。逢空而不空也。然動逢日冲。謂之散。既作日辰。寧又有日辰來冲乎。旬空者。乃旬內之所無也。既是旬空。豈又有臨日辰之事故。知讀書之不足據如此。



增刪卜易 卷一



# 增刪卜易卷二

野鶴老人著 楚江李坦我平鑒定

湖南李文輝覺子增刪

婿陳文吉茂生同校閱  
男茹芝山秀

## 六神章第十八

甲乙日

元武 白虎 螣蛇 勾陳 朱雀 青龍

丙丁日

青龍 元武 白虎 螣蛇 勾陳 朱雀

戊日

朱雀 青龍 元武 白虎 螣蛇 勾陳

己日

勾陳 朱雀 青龍 元武 白虎 螣蛇

庚辛日

螣蛇 勾陳 朱雀 青龍 元武 白虎

壬癸日

白虎 螣蛇 勾陳 朱雀 青龍 元武

諸書無不以青龍爲吉。白虎爲凶。○天元賦曰。身旺龍持多吉慶。○碎金賦曰。龍動家



有喜。虎動家有喪。○卜筮元龜曰。騰蛇白虎憂尊長。○卜筮大全曰。畏啣刀之白虎。喜戲水之青龍。○閱輿章占疾病。騰蛇主死。白虎主喪。○此皆不以五行。竟以六神而斷生死。

惟千金賦曰。虎興而遇吉神。不害其吉。龍動而逢凶曜。難掩其凶。此正理也。然則六神而不驗耶。非也。乃附和之神也。卦之吉者。逢青龍而更吉。卦之凶者。逢虎蛇而更凶。且元武主盜賊。朱雀主是非。無不驗也。至於家宅墳塋。不可少也。

如戊子日

雀 龍 武 虎 蛇 勾

占生產得

、 又世 、、 應 、、

山地剝變

寅 子水 戌 卯 巳 未

風地觀卦

財 巳火 父 財 鬼 父

此子水子孫化絕變鬼。本日落草而亡。却是青龍臨子孫亦可謂之喜耶。

又如申月

元 虎 蛇 勾 雀 龍

甲辰日占

兄病得屯

之震

子	官	辰	寅	子
申	父	鬼	子	兄
金	申	子	寅	子
財	火			

子水兄爻爲用神。卦中忌神元神同動。土動生申。申金動而生子水。月建又生子水。至戊申日沉疴復起。豈可謂之蛇動主死。虎動主喪耶。

### 六合章第十九

子與丑合

寅與亥合

卯與戌合

辰與酉合

巳與申合

午與未合

相合之法有六

日月合爻者一也。○爻與爻合者二也。○爻動化合者三也。○卦逢六合四也。○六冲卦變六合五也。○六合卦變六合六也。

日月合爻者。假令丑月占得坎卦。世爻子水與月逢作合是也。○爻與爻合者。假令占



得天地否卦。世應二爻俱動。卯與戌合是也。但有一爻不動亦不爲合。○爻動化合者。假令占得天風姤卦。世爻丑動化出子水作合是也。○卦逢六合者。卽如天地否卦。內外六爻自相和合是也。不動亦是。○六冲卦變六合者。假令占得乾爲天。乃是八純。六冲卦。若外卦三爻俱動。乃是乾之泰卦。謂之六冲變六合是也。○六合卦變六合者。卽如占得旅卦變賁卦是也。

爻之合者。靜而逢合。謂之合起。動而逢合。謂之合絆。○爻與爻合。謂之合好。爻動化合。謂之化扶。○爻靜或與日月動爻合者。得合而起。卽使爻值休囚。亦有旺相之意。○爻動或與日月動爻合者。謂之動逢合而絆住。反不能動之意。○爻動與動爻相合。乃得他來合我。與我和好相助之意。○爻動化出之爻。回頭相合者。謂之化扶。得他扶助之意。

此得諸合諸占。皆以爲吉。占名名成。占利利就。占婚必成。占身發積。占宅興旺。占風水聚氣藏風。占求謀遂心合意。然必用神有氣相宜。用若失陷無益。○卜書曰。萬事若得

三六合諸事必得久遠。有始有終。○但宜吉事逢之。事之必就。不宜凶事逢之。事之難結。

如申月丙子

日占得出行

得明夷之小過

父	酉	亥	丑	亥	丑
兄	亥	丑	卯	丑	卯
財	午	火	鬼	辰	土
兄	鬼	辰	土	子	孫
鬼	辰	土	子	孫	木

世動破。予曰。合住必有事絆。不能動身。伊曰。因何而阻。予曰。卦中子動變鬼。防兒女少安。彼曰。正因小女多病。男家催促成婚。今欲往外求取。以備裝奩。予曰。所得何病。彼曰。血枯成病。予曰。卯木子孫。申月絕之。子日刑之。且又動而變鬼。恐嫁之不及矣。後因疴沉。此人未去。女死辰日。夫應不去者。世動而逢合也。女死辰日者。卯木子孫。變辰土之故耳。

此乃爻之遇合。卦逢六合之驗也。○予又驗其六冲卦變六合者。

如未月丁巳日占

世 應 ○



已悔婚還可成否

巳 未 酉 亥 丑

卯土 父母

得離卦變火山旅

兄 子 財 鬼 子

辰土 子孫

斷曰。此卦從來難以吉斷。因得屢驗六冲變合散而復聚。離而必合。此婚一定還成。果於次年三月仍復成婚。○諸合者。以用神旺者為言。獨此六冲卦變六合者。不看用神。竟以吉斷。占婚姻先吳越而後朱陳。占夫妻參商後必合好。占功名始則艱難終須榮顯。占求謀先難後易。占身命先困後寧。占風水巧處奇逢。占家宅先頽後盛。

六合卦變六合

爻逢六合。已為吉兆。動而又變六合。謂始終而作合也。○占風水。百代簪纓。占宅舍。千秋基業。占婚姻。白頭相守。占夥計。管鮑雷陳。占功名。仕路亨通。占財帛。聚積如山。占兄弟。累世同居。宜合吉。不宜合凶。○諸占用神以臨日月者。吉之而又吉也。○惟占訟獄。不利。冤仇難解。及占憂疑怪事。總不開心。占孕胎安。占產難生。再若用神受尅。更為凶兆。





一卦之內有一爻動而合局者一也。○若兩爻動一爻不動亦成合局一也。○有內卦初爻三爻動動而變出之爻成三合者三也。○又有外卦四爻六爻動動而變出之爻成三合者四也。然此三合者有凶有吉。


如占功名合成官局謂之官旺。合成財局財旺生官。倘合成子孫局者乃傷官之神也。○如占求財合成財局者謂之財庫。合成子孫局者謂之子局生財。倘若合成兄弟局者乃破財耗財阻隔之神也。○如占祖塋家宅宜父母爻而合局也。○如婚姻夫婦宜財官旺而合局。○凡占久遠喜慶之事宜於成局永遠堅牢。○若占官訟憂疑而合局者終身恨結其心難於消釋。但三合其局但必要世爻在內爲美。若不在於局內須要局生世爻爲吉。局尅世爻爲凶。三爻若有兩爻動不成其局須待後之日月補湊合成其局謂之虛一待用。○一爻明動一爻暗動亦作兩爻動。○三合局中有一空破者待填實之日月成之。有一爻入墓者待沖開之日成之。○凡得三合名利婚姻家宅風水用神旺者無不爲吉。必要世爻在局爲美。若不在於局內須要局生世爻爲吉。局尅世



爻爲凶。○如占財。財局生世。利於我。財局生應。利於他。○占出行用神在三合之內。被合而留。○占行人用神在三合之內。被合不回。○又有內卦外卦而成三合者。須分內外。○如占家宅。若居外宅。不宜外卦尅內。若居內宅。須宜內卦生外。○如占彼此之形者。內卦爲我。外卦爲他。外卦合局而生內卦者爲吉。尅內卦者爲凶。

如卯月丁巳日上下兩村

因爭用水廝打得離之坤



斷曰內卦爲我村。亥卯未合成木局。外卦爲外村。巳酉丑合成金局。金來尅木。幸衰金不尅旺木。不足畏也。況係六冲卦變六冲。有人解散。必不成非。後果勸散。

或問彼此之勢。必以世應爲主。如何不言世應。予曰。若無內外合局者。須看世應。今彼此兩村。卽內外兩卦。人衆同心。彼此合局。神之妙用。靈驗顯然。故棄世應而不用也。若非卦化六冲。未有不成本也。



六冲章第二十

子午相冲

丑未相冲

寅申相冲

卯酉相冲

辰戌相冲

巳亥相冲

相冲之法有六

日月冲爻者一也。○卦逢六冲二也。○六合卦變六冲三也。○六冲變六冲四也。○動爻變冲五也。○爻與爻冲六也。

冲者散也。凡占凶事宜於冲散。占吉事而不宜。亦必兼用神而言。用神旺雖冲不破。用神失陷凶而又凶。六合卦變六冲者。用神若旺。始吉終凶。圖事雖成。有始而無終也。

爻冲有五

爻遇月冲爲月破。爻遇日冲爲暗動。休囚而遇日冲。謂之日破。動爻自化回頭冲。如逢仇敵。爻遇爻冲。謂之相擊。

如巳月戊

應

世

戌日占財

卯 巳 未 辰 寅 子

得風雷益

兄 子 財 財 兄 父

辰土財爻持世。因值旬空。戌日冲空則實。本日即得。

又如午月丙辰日

、應、、  
○世○  
、

占出外貿易財喜

戌 申 午 丑  
酉金 亥水  
鬼 父母

何如得恒之豫卦

財 鬼 子 財  
卯木 巳火  
兄弟 子孫

世爻酉金化卯相冲。乃反吟之卦。幸辰月合之。冲中逢合。又得戌土為財。暗動生世。雖則反復不常。却有財利。果此人去而復反者三。盡在中途發貨。前日爻動化冲。如逢仇敵。乃是化回頭之尅也。此卦世爻酉金化卯冲世。而不尅世。又得辰日冲動戌財生世。所以為吉。

又如酉月乙未日占

、世、、  
、應、、  
、

子久出不歸生死何

酉 亥 丑 卯 巳 未



如得坤卦

子 財 兄 鬼 父 兄

世臨子孫。又臨月建。未日生之。雖是六冲卦。此子必歸。果於子年占。卯年得意而回。此應靜而逢冲之年也。

又有巳月甲寅日

、應、  
、  
、  
×世 × ×

占延師訓子得天

戌 申 午  
卯木 巳火 未土  
財官 父

地否變乾卦

父 兄 官  
辰 寅 子  
父 財 子 水

以應為用神。世應相合。應臨戌父。巳月生之。可稱飽學。獨嫌卦變六冲。合而變冲。不久之兆。彼問曰。因何事而不久。予曰。子水子孫值旬空。卦中未土父動。防子孫災變。後果兩月。其子得病辭師。未久而子死矣。

凡得六合變六冲者。諸占先合後離。先親後疎。先濃後淡。始榮終悴。初好後遲。先亨後否。得而復失。成而後敗。事就而又變也。惟占官非盜賊結婚事者宜也。

如申月乙卯日父子七人

○世

○

、

○應

○

、

俱蒙拿問得巽卦變坤卦

卯木 兄弟  
酉金 鬼  
亥水 父母  
未 財  
卯木 兄弟  
巳火 子孫  
丑 父母

此係卦變巽木化坤土。名為化去。化去不尅。當主無妨。只因世爻變鬼。卯木化酉金。木被金尅。巳火子孫。又化亥水。父子兩爻。皆被其傷。六冲變冲。亂冲亂擊。果俱受刑。○占法皆以六冲卦。宜於官事。喜其冲散。然必看事之大小。又宜兼用神而言。此卦六冲變冲。亦可謂之官事逢冲而散乎。

### 三刑章第二十一

寅刑巳 巳刑申 子刑卯 卯刑子 丑戌相刑 未辰相刑 又云辰午酉亥謂之自刑。夫三刑者。予屢試之。或因用神休囚。又兼他爻之尅。內有兼犯三刑者。則見凶災。而獨犯三刑得驗者少。占過數十年。止驗得一卦。

寅月庚申日占子痘症

得風火家人變離卦

卯 〇 應 × 亥 世 卯  
巳火 子孫 未土 財



兄

財未土

官鬼酉金

父

財

兄

斷曰。巳火子孫。既當春令。子孫旺相。許之可治。後死於寅日寅時。始悟月建在寅。日建在申。與巳爻子孫。共作三刑。獨此一卦。無他爻之傷也。至於子卯辰戌丑未。亦有驗者。皆附和而為凶也。

六害章。全無應驗。刪之不錄。

### 靜動章第二十一

靜爻旺相。日辰沖之為暗動。靜爻休囚。日辰沖之為日破。暗動者。有喜有忌。○用神休囚。得元神暗動以相生。忌神明動於卦中。得元神暗動而生用神。此皆謂之喜也。○用神休囚無助。若遇忌神暗動尅害用神者。此皆謂之忌也。○占以暗動福來而不知。禍來而不覺。○又曰。吉凶之應則急。遲速之應則緩。非此論也。何嘗不知不覺。報應亦非緩也。

未日占女痘

得坤之師卦

酉金子孫。雖則春令休囚。得日辰生之。二爻巳火。動而尅金。得未日冲動丑土。火動生土。土動生金。花雖密可以全生。彼曰。目下甚危。余曰。不妨。今日未申時有救。果於申時。遇明醫救治。何嘗緩也。

### 動散章第二十三

古以日辰而冲動爻。謂之冲散。又以爻動冲爻。亦能冲散。予屢試之。旺相者冲之不散。有氣者冲之不散。休囚者間有冲散。亦千百中之一二也。其故何也。神兆機於動。動必有因。雖則今日受制。後逢值日而不散矣。

如丑月丁酉日占

父出外一載無音

得風水渙變坎卦

酉金	亥	丑	卯	巳	未
子	財	兄	鬼	辰土	兄
			兄弟		兄

○	世	、	應	、	
卯木	巳火	未	午	辰	寅
父	兄	子	兄	子	父
官					
子水					





卯月辛巳日來人不

言所事占得巽變乾

問之所占何事。伊曰。代卜長輩功名。予曰。功名須要親占。代占難取用神。從不敢斷。幸此卦顯而易見。巽木化乾金。卽爲化來。回頭來尅。爲絕卦也。不必問名。壽亦不久。果於午月削職。七月而終。

又如午月丙寅日

占主病得離變坎

離火變坎水。回頭來尅。但因午月火旺。斷其冬令必危。果卒於九月丁亥日。此皆不看用神之衰旺也。

李我平曰。易冒墓絕章云。日月當令非眞。却不知凶事將來。神機早兆。日月當時雖旺。過時則有虧消。卽如此篇占主病。午月得離變坎。目今夏火雖炎。冬來豈不絕耶。○易冒反伏章云。日月從往則非空破。從往則重。又曰。半從往。半從來。半凶半吉。種種議論。







爻變者。內外動而反吟者。非同一卦也。

如升之觀是也

×

×

〃

○

○

〃

又有外卦反吟。而內卦不動者。

如觀之坤是也

○

○

〃

〃

〃

〃

又有內卦反吟。而外卦不動者。

如巽之觀是也

〃

〃

〃

○

○

〃

內卦反吟。內則不安。外卦反吟。外則不寧。內外反吟者。內外不安之象也。皆主成而敗。敗而成。有而即無。無而即有。得而失。失而得。來而去。去而來。散而聚。聚而散。動而思。靜而思動。

占功名者。用爻旺相。遷而又遷。陞往他處。仍復陞來。用神失令者。或降或陞。或得或失。○占財物。聚散不常。買賣經營興廢。往來不定。○占墳塋宅舍。欲遷不遷。或遷之而再遷。或目下就有遷移之事。○占已經久遠之事者。目前就有變動。○占天時晴而即雨。



雨而又晴。○占婚姻。反復難成。○占疾病。愈而又病。○占盜賊。官非。見而又見。○占出行。行至中途亦反。即使到彼。一事無成。○占行人。外卦反吟者。用神旺相。必歸。不然亦移他處。在外之人。而占家宅者。內卦反吟。家庭人口不安。○占彼此之形勢者。內反吟。我亂他定。外反吟。他亂我定。○以上用神旺相。不變冲尅者。雖則反伏事之必成。第恐用神而化回頭之冲尅者。即是卦變大凶之象。

如卯月壬申日

占隨官府上任

得比之井

財	子	戌	申	子	未
兄	子	申	子	子	兄
	酉	卯	亥	子	
	金	木	水	子	
		官	財		
		鬼	母		
		父	火		
		母			

斷曰。世臨官星。值月建而旺。隨去必成。因係內反吟。必有反復。不宜世爻絕於申日。又化回頭冲尅。此行不吉。不去者為上。後因官府掣籤得缺。近於賊營。辭而不去。及至官府去後。忽又因他故而隨去矣。至七月城破。與官府一同被害。與同官府受害者。世爻與官鬼同受酉金之冲尅也。不去而又去者。卦得反吟之故也。



又如卯月亥日占

陞遷得臨變中孚

× 應 、、 、、 世 、

酉金 亥水 丑 丑 卯 巳

子孫 鬼 兄 兄 官 父  
卯木 巳火

斷曰。世臨卯木。月建之官。又長生于亥日。世與官星同臨旺地。許之即陞。果於本月聞報。由江右陞任山東。未及一載。復任江西。應本月陞者。卯官而值月令。陞山東者。官臨卯木。復任江西者。外卦反吟。去之而復反也。○伏吟卦者。有內外而伏吟也。如无妄而變大壯是也。

无妄之大壯

○ ○ × × ×

內外伏吟者。內外憂鬱呻吟之象。○亦有內卦動變伏吟。內則呻吟。外卦伏吟。外則不寧。諸占皆不如意。動如不動。焦惱呻吟。

占名者。久困官途。淹留仕路。○占利者。財源耗散。水利消乏。○占墳塋宅舍。欲遷而不能守之而不利。○占婚姻。憂而不樂。○占疾病。久病呻吟。○占口舌官非。事之難結。○



占出行難於動移。○占行人。在外憂鬱。○占彼此之形勢者。內卦為我。外卦為他。內伏吟我心不遂。外伏吟他意不安。

然伏吟而較反吟者。反吟有冲有尅。用神受尅。得禍不輕。伏吟之卦。用神旺相。冲開之年月。其志則伸。用神休囚。冲開之年日。憂鬱而已。

如申月癸巳日

○ ○ 應 世

占父外任平安

戌 申 午 酉 亥 丑

得姤之恒

戌父 申兄 官 兄 子 父

斷曰。巳火日辰主父母。當許在任平安。獨嫌卦得伏吟。乃是不寧之象。任上必有事故。不得意以呻吟也。彼曰。聞地方苗獍之變。可有礙否。予曰。日建生父。他事無虞。又問何時歸來。予曰。伏吟欲歸而不能。辰年可歸。後知苗獍作亂。地方不寧。驚險異常。寅年占卦。辰年裁缺而歸。午年又補四川。應辰年者。戌父化戌父。冲開戌父之年也。應裁缺者。巳日冲起亥水。暗動以尅官也。應午年又補官者。占時遇巳日。扶起午火之官。當日亥



水尅之而不盡。今午火官星值年。依然旺矣。

李我平曰。易林補遺有曰。爻有伏吟不吉。術者未聞。卦有反吟最凶。卜家誰覺。不看用神之衰旺。竟以反吟爲畏途。今野鶴此論法。比之井卦。世逢冲尅事反伏。身受其殃。臨之中孚。世官得地。雖反伏。官往遷轉。教人之法。何等透徹。

### 旬空章第二十六

甲子旬中戌亥空

甲戌旬中申酉空

甲申旬中午未空

甲午旬中辰巳空

甲辰旬中寅卯空

甲寅旬中子丑空

何謂旬空。如甲子至癸酉日爲一旬。此十日之內。並無戌亥。所以爻逢戌亥爲空亡。又名旬空。餘倣此。

旬空之法。諸書之論太煩。有真空。假空。動空。冲空。填空。援空。無故自空。有故而空。墓絕空。害空。安空。破空。○野鶴曰。旺不爲空。動不爲空。有日建動爻生扶者。亦不爲空。動而化空。伏而旺相。皆不爲空。○月破爲空。有氣不動亦爲空。伏而被尅亦爲空。真空爲空。



○真空者。春土夏金秋是木。三冬逢火是真空。○余初學卜。凡遇旬空。無法而斷。欲以之為到底全空。却又應乎填實之日而不空。以之為不空。却又到底全空。後得多占之法。凡遇旬空。命之再占。卦吉者許之出旬而不空。卦得凶者許之空矣。

如辰月乙卯

日占求財得

家人之賁

兄	卯	○	未	亥	丑	卯
子孫	子火		子孫			
父母	子水		財	父	財	兄

丑財持世。遇旬空。雖有巳火之生。巳火又化回頭之尅。不能生丑土之財。此財既無生扶。當主難求。又因三月之丑土。財還有氣。占法有氣不為空。不敢竟斷。命之再占。

又得

睽之

損卦

己	未	○世	丑	卯	巳
子孫	酉金		子孫		
父	伏子水		戌土	兄	鬼
父	財		父		父

因得此卦。合前卦而決之。竟斷曰財無氣矣。不必勞心。彼問何故。予曰前卦丑財。雖則

空而有氣。後卦子水財空。伏於五爻未土之下。伏而又空。空而被尅。知其無財而無疑也。果後全無。

又如子月辛

亥日占遠行

求財得大畜

寅木 子水 戌土 辰土 寅木 子水

官 財 兄 兄 官 財

、應、

、世、

世逢寅木。子月亥日。俱作財神而生世。又喜應爻為地頭。世應相生。乃全美之卦。獨因世值旬空。若執古法。斷者無故自空。大凶之兆。敢許之而遠去耶。命之再占。

又得明夷

之小過

酉

亥

亥

丑

卯木

父

兄

兄

鬼

辰土

丑土 鬼

午火 財

×世

○應

斷曰。此卦與前卦相同。此行大有所得。世爻丑土。化午火回頭相生。目下月破。爾到地頭。已出月矣。出月而不為破。開春寅卯月。以前卦決者。乃世爻出空之月也。逢子亥財



生滿心如願。彼曰：去得成否？予曰：甲寅日。世爻出空之後。准行無疑。果於乙卯日起程。後到後地。寅卯月間。諸事遂心。滿載而歸。

野鶴曰：多占之法。省許多疑惑。不然止以前卦決斷者。無故自空。如入深淵大壑。旺財生世。腰纏萬貫之徵。許之去耶。阻之勿去耶。

李我平曰：空亡之說。鬼神不測之妙。似有又無。似無又有。實有到底全空。亦有填實不空。此以多占兩卦。合而決之。真爲洩盡鬼神之機也。天地之理。皆從空而生。謂之懸空以待。凡占遇空。不可卽以爲空。須視其所占之事。或近或遠。如在旬內則爲空也。然亦有出空之日。實空之時。事在一旬之外。許其出空之日而應之。若占遠大之事。尙無定期。非出旬可以成者。大象不吉。乃可謂到底空也。大象若吉。太歲月建亦可填之。然不如多占兩卦。實爲妙法。

生旺墓絕章第又二十六

余得驗者止驗牛旺墓絕其餘不驗不必用之。

金長生在巳 旺在酉 墓在丑 絕在寅

木長生在亥 旺在卯 墓在未 絕在申

水土長生在申 旺在子 墓在辰 絕在巳

且如主事爻屬木。若在亥日占卦。卽是主事爻長生於亥日。若在卯日占卦。木旺於卯。若在未日占卦。木墓於未。若在申日占卦。木絕於申。餘倣此。○又如主事又屬木。卦中動出亥爻者。亦謂之主事爻遇長生。動出未爻者。謂之主事爻入動墓。卦中動出申金者。謂之主事爻逢絕。餘倣此。

又如主事爻屬木。動而變出亥水者。謂之化長生。動而變出卯木者。謂之化旺。動而變出未土者。謂之化墓。動而變出申金者。謂之化絕。餘倣此。

覺子曰。金雖長生在巳。須宜金爻旺相。或日月動爻生扶。再遇巳日占卦。或是卦中動出巳爻。或是金爻動而化出巳火。皆謂之遇長生。倘若金爻休囚無氣。再遇巳午火多。



者。烈火煎金。論尅不論生也。○金爻雖墓於丑。若得未土沖動。或卦中土多生金。論生不論墓也。○土爻雖絕於巳。必須休囚無氣。又逢巳者。謂之絕也。若土爻旺相。或得日月動爻。及變出之爻。又逢申字者。謂之三刑。論刑不論生也。

古以土爻長生在申。又曰土長生在寅。無處考證。余以天時考之。常見土臨父母有申日雨者。亦有子日雨者。又見土臨子孫。有申日晴者。有子日晴者。故知土長生於申。旺於子。實知土寄生於申。而無疑也。曾於

午月巳卯日占

世 應  
 辰 申 午 寅 子

妻病得震之豐

財 辰 申 午 寅 子

辰土財爻爲用神。近病逢沖卽愈。許之當愈於辰日。不然酉日必愈。後因連日昏沉。竟於子日起床。許辰日愈者。辰土逢值之日也。許酉日者。辰與酉合。動而逢合之日也。今

愈子日者。辰土財爻旺於子也。



我平曰。生旺墓絕之論。金生在巳。木生在亥。水生在申。火生在寅。四大生理之正也。惟土寄生。未得實考法。云火土長生寅上。排明知子上是胎。此卽土寄生於寅。今五行家戊土生寅。己土生酉。易冒雖曰唯土之長生不一。申中有坤土。生於申。若分陰陽。則戌土生寅。巳土生酉。亦未得其實據。此專以天時考證者。土寄生於申。萬古而不易也。

### 各門類題頭總註章第又二十六

後直分門各類。當用字眼。恐其煩絮不便全寫。止用題頭。卽如後有用神宜旺。不可指定旺於何時。但得用臨日月。或遇日月動爻變爻生扶。或用爻遇長生逢帝旺。皆謂之旺。

用神化吉。凡用神元神動化回頭生。化長生。化帝旺。化比助。化日月。皆爲化吉。

用神化凶。凡用神元神動化回頭尅。化絕化墓化空。化鬼化退神。皆爲化凶。

歲君。卽當年太歲。歲五歲者。太歲五者。卦之第五爻。

五位。每卦之第五爻爲君位。易曰九五之尊者是也。



身卽世爻。古用卦身世身。予試不驗而不用。凡後有遇身字者。卽是世爻。非卦身世也。

三墓者。用爻入日墓。八動墓。動而化墓。以上謂之三墓。非古之世墓身墓命墓也。

主象。主事爻。自占卦世爲主象。又名主事爻。占父母兄弟。卽父母兄弟爲主事爻。餘做此。

老陰之爲少陽曰變。老陽之爲少陰曰化。

古言變者。如物消而長。退而進也。化者。猶物成而敗。退而進也。予試不驗。化進神。化生旺者。雖化亦吉。變鬼變回頭尅者。雖變亦凶。後各章凡言變者。卽是化爻。化卽是變。

### 各門類應期總註章第又二十六

靜而逢值逢冲。○且如主事爻臨子水不動。後逢子月午日應之。餘做此。

動而逢合逢值。○且如主事爻臨子發動。後遇丑月子日應之。餘做此。

太旺者逢墓逢沖。○且如主事爻臨午火。又遇巳午月日占卦。或卦中巳午爻太多。後逢亥日月應之。又有戌日應之。乃火入墓也。餘倣此。

衰絕者。遇生遇旺。○且如主事爻屬金。占卦於巳午月日。卽是休囚無氣。後逢土月日。或到秋令。當時則旺矣。餘倣此。

入三墓俱喜沖開。○且如主象臨午火。火墓於戌。後逢辰日則應之。餘倣此。

遇六合亦宜相擊。○且如主事爻與日月作合。或動與爻合。或動而化合。或凶或吉。必待沖開之日月應之。

且如主象臨子與丑作合。後逢午未日應之。餘倣此。

月破喜逢填合。○且如子月占卦。主事爻臨午火。乃爲月破。後逢未日應之。謂之破而逢合。又有逢午日應之。填實之日。則不破矣。

旬空最愛填沖。○旬空註解極明。

大象吉而受尅。須待尅神受尅。○假令用神臨辰土。得日月生扶。乃爲大象吉也。倘被



寅卯尅害。後逢申酉日冲尅神則吉。餘倣此。

大象凶而受尅。須防尅者逢生。○卽如前說。用神臨辰土。旣無日月動爻之生。乃爲大象凶也。再逢寅卯尅制者。後逢寅卯亥日則凶。

元神來助來扶。須看用神衰旺。

忌神來尅來冲。觀乎元氣興衰。○以上二條元神忌神章。註解極明。

化進神逢值逢合。○且如申動化酉。乃爲進神。爲禍爲福。有應申月日有應巳月日。

化退神忌值忌冲。○卽如酉動化申。有應申月日。有應寅月日。

間有應於獨發獨靜。○獨發章內詳之。

間有應於變爻動爻。○且如爻臨戌土。變出酉金。有應戌日。亦有應酉日。

勿謂爻之不驗。遠近當分。○遠事定之以年月。近事應之於時日。○間有占遠應近。占近應遠。占月應年。占日應時。不可不知。

倘遇卦之不明。再占是法。○卦之恍惚者。再占一卦。不可妄斷。

世空元動。須待元神逢值。○如甲辰旬占求財。得困之坎。亥日得財。餘做此。世衰元靜。必須元氣逢冲。○如秋占圖謀。得困卦。後逢巳日成事。餘做此。

### 歸魂遊魂章第二十六

歸魂卦者。乃各宮第七卦。如乾宮之火地晉。坤宮之水天需是也。餘做此。遊魂卦者。乃各宮第八卦。如乾宮之火天大有。坤宮之水地比是也。餘做此。古以遊魂行千里。我行此事。而欲久者。遊魂而不能久。心無定向。遷改不常。○歸魂不出疆。諸事拘泥不行。與遊魂卦相反。而斷之可也。

凡得遊魂卦。○占身命。生平無安家樂業之處。○占行人。遊遍他鄉。○占出行。行止不定。○占家宅。遷變不常。○占墳塋。亡者不安。

野鶴曰。須以用神爲主。然後以此參之。若舍用神。執此而斷者。謬也。

### 月破章第二十七

正申 二酉 三戌 四亥 五子 六丑 七寅 八卯 九辰





建動爻以生乎。予疑之。既無所用。何故動而生世。命之再占。

又得水

地比卦

子	財	兄	子	官	父	兄
戌	兄	子	官	父	兄	子
申	子	官	父	兄	子	戌
卯	官	父	兄	子	戌	申
巳	父	兄	子	戌	申	卯
未	兄	子	官	父	兄	巳

斷曰。命若無官。難得官來生世。及官星以持世也。今既前卦動官相生。後得官臨世位。食祿王家。終須有日。彼問應在何年。余曰。前卦官臨月破。定於實破之年。果於巳年承襲長房世職。若以月破百無所用。霄壤之隔也。

又如辰月戊子

○世

日占父何日回

戊土 父母

申	午	辰	寅	子
---	---	---	---	---

得乾之夬卦

未土

兄	官	父	財	子
---	---	---	---	---

父母持世。破而化空。既無日生。又無動助。以古法斷者。作用神而無氣。其父不能歸也。余不以此論之。竟斷朱雀臨爻。動而持世。卯日有信。午未日必歸。果於卯日得信。乙未





破還不可知。果於七月彼此揭參。結成大非。冬至月事結。降級調用。余彼時已往他省。復來呼喚。至彼而又卜之。

寅月丙辰

、、應、、世、

日占得地

酉 亥 丑 丑 卯 巳

澤臨卦

子 財 兄 兄 官 父

余曰。聞得士民保留。恐不見允。必待子年。仍以原品起用。向日知易墓客在坐而問曰。九五亥水生官。如何不允。予曰。九五來生。今被日尅。將來子年。亥水旺於子也。又合前卦五爻之子水。值太歲而不破。起用無疑。果於甲子年巳月。仍以原品起用。連補兩任。卯年而開督府。余勸辭榮。公曰。何也。予曰。仍以前卦決之。向因申金尅世。子水雖動。臨破化空。不能生世生官。所以成非構怨。及至子月。雖則實破。其力尙輕。雖至於不削職。猶有降級之事。後值子年。乃實破之年也。值太歲當權。是以起用。明年辰歲。及是子水入墓之年。太歲尅去子水。酉金仍復尅世。有尅無生。較昔年之禍更重。不聽。果於辰年。



三月條陳雖留萬世芳名。而得罪解任矣。以上之辨月破者。乃因破而動也。不動勿以此斷。

李我平曰。易冒之論。月破動作忌神而無害。動作元神而無賴。日辰生之而不起。百無所用之物也。易林補遺亦曰。如臨月破之爻。不拘衰旺。概作凶推。逢生不受。遇尅能招。亦謂雖有而如無也。觀此艮之觀卦。占時而值月破。不能接續相生。構訟王庭。值月建以填實。其力尙輕。猶有降罰之事。值太歲而當權。仍以原品而起用。至辰年而入墓。得禍匪輕。半生凶吉關乎一爻。月破豈可謂之有亦如無。毫無所用耶。

飛伏神章第二十八

凡用神不現。卽以日月爲用神。倘日月非用神者。須於本宮首卦尋之。因本宮首卦。父子財官六親俱備之故耳。

假令占

得天風

、應

、世

戌土 申金 午火 酉金 亥水 丑土

姤卦

父 兄 官 兄 子 父

若占妻財。取財爻爲用神。此姤卦係乾宮之卦。以寅卯木爻爲妻財。今六爻並無寅卯。卽是用神不上卦。如在寅卯月日占者。則以日月爲用神。倘非寅卯月。須在本宮首卦。乾爲天內尋之。

乾宮首

、世、、應、、

卦乾爲

戌土 申金 午火 辰土 寅木 子水

天

父 兄 鬼 父 財 子

此卦寅木妻財在二爻。卽以此寅木伏於姤卦亥水之下。姤卦二爻之亥水。卽爲飛神。寅木妻財。卽爲伏神。亥水而生寅木。謂之飛來生伏得長生。此乃用神不現。尋得伏神。而遇生扶。無用亦爲有用。便作吉斷。餘倣此。

又如占

、應、、世、

得天山

戌 申 午 申 午 辰



遯卦

父 兄 鬼 兄 鬼 父

如占子孫。取子孫爲用神。此係乾宮卦。水爲子孫。今六爻並無亥子。亦是子孫不現。倘在亥子月日占者。卽以日月爲用神。若非亥子日月。亦在乾爲天內尋之。乾爲天初爻之子。水子孫。以之伏於遯卦初爻辰土之下。辰土卽是飛神。子水卽是伏神。此乃飛來尅伏。謂之飛尅伏神遭尅害。名爲伏神受制。有用亦無用矣。卽作凶推。餘倣此。

伏神有用者六

伏神得日月生者。一也。○伏神旺相者。二也。○伏神得飛神生者。三也。○伏神得動爻生者。四也。○伏神得遇日月動爻冲尅飛神者。五也。○伏神得遇飛神空破体囚墓絕者。六也。

黃金策曰。空下伏神。易於引拔。此論近理。但又不獨飛神空亡。而伏神得出。但得飛神臨破臨絕。休囚入墓。而伏神皆易出也。何也。伏神在下。飛神在上。飛神旣逢破墓衰空。雖有如無。所以伏神易於出現。



此六者皆有用之伏神也。雖曰不現，亦如現矣。

又伏神終不得出者有五

伏神休囚無氣者一也。○伏神被日月冲剋者二也。○伏神被旺相之飛神剋害者三也。○伏神墓絕於日月飛爻者四也。○伏神休囚值旬空月破者五也。此五者乃無用之伏神也。雖有如無，終不能出。

黃金策曰：伏居空地，事與心違。余得驗者，非此論也。凡用神旺相而遇旬空，出空之日則出矣。

如卯月壬辰日占候文

書何日得領得山火賁

鬼	寅	、
財	子	、、
兄	戌	、、應
財	亥	、
兄	丑	、、
官	卯	、世

伏  
父  
午  
火  
母

午火父母為用神。空而伏於二爻丑土之下。壓之難出。許甲午日出空，必得。果得於甲午日。



又如酉月丙辰日

、、世、、應

占子病得地風升

酉 亥 財 丑 西 亥 丑

鬼 父 伏午火子孫 鬼 父 財

黃金策曰。空下伏神。易於引拔。此卦午火子孫。伏於丑土之下。丑土旬空。伏神易出。許午日子孫出現必愈。果於午日起床。

以上用神不現。皆在本宮首卦尋之。占法又有凡得八純首卦。用神若值空破。又在他宮尋之。比如占得乾為天。內有用神空破衰絕者。往坤宮尋之。謂之乾坤來往換。易林補遺。又以歸魂卦。取親宮第四卦也。野鶴曰。何必如是用神空破衰絕。禍福已知八九。何不再占一卦。合而決之。自有用神。予嘗不待用神衰絕。但逢不現。雖有伏神。亦不用之。再占兩卦。用神必現。一日到一宅上。見醫者滿座。

卯月丙辰日占

、、應、、世

父病得地雷復

酉 亥 丑 辰 寅 子

父母用神不現。明知巳火父母。伏於二爻寅木之下。旺木以生巳火。飛來生伏。必愈之病。不以此斷。令再卜之。

占得山

、應、  
、  
、  
、  
世、  
、

澤損卦

寅 子 戌 丑 卯 巳火

鬼 財 兄 兄 鬼 父

巳火父母。明現於初爻。春占木旺火相。斷之可愈。彼因病勢甚危。伊猶未決。次子又占。

得漸

、應、  
、  
、  
世、  
、

之巽

卯 巳 未 申 辰

午火  
父母

鬼 父 兄 子 亥水 兄

余疑曰。前兩卦俱當即愈。如何此卦亥水回頭尅父母。忽而悟曰。是也。前兩卦巳火父旺。不受傷尅。乃應目前之愈。此卦亥水尅父。冬令難延。即到床前。令病人自占。









有辛卯年丙申

月丙子日占子

存亡得觀之萃

○

卯木 財

巳

×世

未土 父母

卯

巳

未

未土

鬼

亥水 子孫

財

鬼

父

彼斷曰。水爲子孫。不現。却得丙月辛年。丙辛化水。後至亥月甲辰日。申子辰合成水局。亥月而歸。○余斷曰。世爻未土發動。化出亥水子孫。是亥爻卽兒子也。世與子孫亥卯未三合成局。明明父子相逢。何故而取於化。卽使卦中亥水不現。子水月建。亦作用神。疊疊用神而不取。左支右吾。以取於化。是誤後人。非教後人也。

進神退神章第二十九

進神退神者。爻之動而化也。化進化退。吉凶禍福。有喜忌之分。所喜者宜於化進。所忌者宜化退神。

進神 亥化子。寅化卯。巳化午。申化酉。丑化辰。辰化未。未化戌。

退神 子化亥。卯化寅。午化巳。酉化申。辰化丑。未化辰。戌化未。

進神者出化而前進也。如春木之榮有源之水久遠長進之象。退神者由此而漸退也。如秋天花木漸漸凋零。

如申月癸卯

日占鄉試得

恒變大過

斷曰。酉金官星持世。旺相當時。卯日冲之。而暗動。又得九五爻上官化進神。幫助供扶。不獨今秋折桂。來春定占鰲頭。果得聯捷。

又如卯月乙丑

日占求婚成否

得噬嗑變比卦

財爻持世化進神。巳火子動而生世。但因巳火化子水回頭之尅。必待午日冲去子水。午火又合世爻。其婚必成。果於午日允婚。或曰間爻酉金鬼動。豈無阻耶。余曰鬼化退

、應 × 、 、世、 、

戌 申金 官 午 酉 亥 丑

財 酉金 子 官 父 財

○ ×世 ○ 、 、應 ○

巳火 子孫 財 未土 酉金 巳財 辰 寅 子水 父母

子水 戌土 申金 財 兄 未土



神雖有破阻而無力也。

此卦世爻未土財化旬空。古以財化旬空。謂之動日月而化空。且不能進。況動散而化空。亦能進矣。

又如酉月甲辰日因

被論占自陳何如

父	酉	亥	丑	亥	丑	卯
兄	鬼	亥	水	丑	土	卯
鬼	亥	水	丑	土	卯	木
財	午	火	辰	土	寅	水
官	鬼	子	孫			

斷曰。世化回頭之尅。官化退神。子孫化進神。三爻皆非吉象。大凶之兆。果於次年二月。革職拿問。

古以動日月化空破。謂之不進。此卦官動臨日辰。又日動日月化空破。謂之不進。此卦子孫動休囚而化空破。進者進。而退者竟退。

又如丑月丙戌日占父

子	酉	亥	丑	卯
孫	父	母	兄	弟
申	金	申	午	辰

有信至已在任起程我

子孫 戌土 申金 申 午 辰

去迎之可能遇否

巳火 未土 申金

兄

鬼

父

父化退神。父已歸矣。世化進神。爾之欲去。父爻生世。一定相逢。必相會於未日。果得遇未日。應未日者。戌父化未。又破又空。至未日乃實空實破之日也。若執古法。動日月而化空破。謂之不遇。其父豈有歸來之日耶。

如戌月癸巳日占。本年冬令得關差否。水澤節變需卦。丑土官動化進神。許丑月必得果得於丑月。

古以動日月化空破。謂之不進。此卦動非日月而化空破。亦能進也。

又如未月丁卯日占功名終得出仕否。天火同人變革卦。余曰。若以古法斷者。子孫動而克財官。終身而無官也。余許辰年出仕。何也。戌土子孫雖動。幸化退神。不尅官也。辰年冲去戌土。是以許之。果於辰年得選。豈可謂之動空日月化而不退耶。

又如申月辛卯日占病。得澤天夬卦變大壯。此公因抱危症。余曰。子孫持世。明日辰日必遇良醫。果於次日用針而愈。或曰。子孫化退神。何其用藥亦效。余曰。動變皆屬秋金。



當權得令。占近事豈可曰退。若占久遠之事。待休囚之時而退者。是也。古以動破散而化日月。無階無路謬也。

又如丑月癸卯日占妻病。服此藥愈否。得臨之泰。斷曰。兄動化進神。靈丹莫救。其妻死於甲辰日。○此乃兄動臨月建而化旬空。亦可謂之不進耶。

又如戌月癸未日占病。得乾之夬。斷曰。久病逢沖莫治。又是父爻持世。妙藥難醫。雖化退神。非病退也。乃精神命脉。漸漸消枯之象。防丑月沖破未土。而無路矣。果卒丑月。

又如戌月巳卯日占母血崩。一年有餘。得同人變解。卯木父母。值臨日建。上爻戌土。以生申金。金生亥水。若非丑土化進神。以塞其水。此父母爻得此接續相生。災雖險而何礙。今父母未爻。既無水養。且化退神。精血大敗。推至丑月。旺土以絕其源。須防危險。果卒於丑月。此乃父臨日建。不化空破。亦能退也。

又如卯月癸酉日占父近病。得萃之否。未土父動化進神。戌值旬空。近病逢空即愈。許次日退災。果於甲戌出空即愈。此乃父爻休囚而化空也。若以古法動日月化空破。尙

且不進。今休囚而化空。可就愈耶。

又如辰月癸丑日。占流年。得困變解。斷曰。世爻寅木。而值旬空。酉金忌神。搖於五位。古法謂之避空。予非此斷。出空一定遭傷。後卒於六月。應未月者。上爻未土。乃世爻之墓。已被丑日沖開。謂之開墓。以待被尅而入墓。寧不死乎。或問酉金化退神。如何尅木。余曰。三土生酉金。旺而不退。

又如辰月乙丑日。占妻母病。得隨之否。斷曰。子水父爻化未土。回頭尅父。而上爻未土。又化進神以尅父。須防戌日。果卒於甲戌日。乃戌土出空之日也。古法散如無也。此卦未土被丑日沖之。又化旬空。月破。竟不見其散也。

又如申月乙卯日。占出行。得屯之節。斷曰。世臨寅木。而化進神。合當就行。因係月破。目下未必能動。出月方可。後至亥月方行。由燕至粵。次年八月歸來。予曰。途中安否。彼曰。往來托庇均安。予以子孫化進神。知其平安。故問之耳。夫應亥月行者。破而逢合之月也。此乃動破化日辰。豈可謂之不能進耶。



又如辰月己未日。占兄何日歸來。得履之兌。兄動化退。已有歸志。但因戌逢月破。在外諸凡未遂。六月可望。後至戌月方回。乃應實破之月也。此乃動破而變日月。豈可謂之退不及也。

又如辰月乙未日。父占子病。得大有變睽。同時祖又占孫。亦得此卦。如二土重出。父臨月建。化退神。此子死於次日。

又如卯月丙申日。衙役占官府陞否。得解之困。官動化進神。秋來得令必遷。後報陞於巳月。應巳月者。動而逢合之月。申金又長生於巳。此乃動日月而化空破。豈可謂之不進耶。

又如酉月乙丑日。占試中否。得兌之訟。斷曰。未父化進神。巳火官動而生世。吉兆顯然。坐以待報。果於寅日揭榜。中第八名。古法動破散化日月。尚不能進。此卦動散化空。亦能中矣。

又如未月丁丑日。占母路隔千里何時來。得火天大有變井卦。初爻子水化出丑父。子

與丑合。彼合不來。未父化進神。亦應不來。幸得未土生起酉金兄爻。兄化進神而合世。母必不來。兄弟必來。彼曰。有妹無弟。果於次年三月妹至此。乃兄弟爻空化空。不能退也。

又如未月辛未日。占開金銀器皿舖。得噬嗑變屯卦。財爻持世化進神。乃久遠豐隆之象。予曰。代爾擇甲戌日開張。管許大發。果開市於戌日。至今此店尙開。累代豐盛。此乃動日月而空。豈可謂之不進耶。

野鶴曰。夫進神之法有四。動旺相而化旺相。乘勢而進。一也。動休囚而化休囚。待時而進。二也。動爻變爻有一而值休囚。亦待旺相之日而進者。三也。動爻變爻有一而值空破。待填實之日而進者。四也。退神之法有四。動旺相而化旺相。或有日月動爻生扶。占近事得時而不退者。一也。動休囚而化休囚及時而退者。二也。動爻變爻有一而旺相待休囚之時而退者。三也。有一而逢空破。待填實之日而退者。四也。

李我平曰。初閱易冒。有欲進不進。不能進。祇謂近理。後見動日月而化空破。無階無路。



謂之不進。故知謬也。動爻既臨日月。逢空不空。逢破不破。况化空破耶。日月如天。雖化空破。如浮雲之掩日。實空實破之朝。卽是雲開霧散。司令當權。何以謂之不進。又曰。動值破散而變日月。謂我位既失。何以得前。殊不知既動而破。自有實破之期。自動而散。自有填實之日。况化日月。名爲化旺。後日填實。愈旺愈強。何以謂之不前。伊存格式。申月卯日占兄弟。得兌之豐。酉爻兄弟。被卯日冲散。雖化申爲月建。亦不及退。不退者建也。不及退者。謬也。彼之月將章云。爻臨月將。逢散不散。七月之酉金。雖非月將。難曰不旺。况化月建動變。盡屬堅金。幫助拱扶。如山如崗。卯日焉能冲散。他章俱存占驗。獨此章止存數式。予故知其乃揣摹之說。非經驗而得也。

### 隨鬼入墓章第三十

古有 日墓。 動墓。 化墓。 謂之三墓。

世爻隨鬼入墓。 本命隨鬼入墓。 卦身隨身入墓。 世身隨鬼入墓。

覺子曰。執此數論。若逢辰戌丑未之日。竟不敢占卦。非世臨鬼。卽卦身臨鬼。非世身臨



鬼。卽本命臨鬼。然又不獨辰戌丑未日。而他日亦不敢占。何也。卜卦之中。不免有二三墓爻發動。非世命而入。卽二身而入。及動而化墓。非世爻動化。二身卽動化。再不然。難保其本命不化墓也。一卦之中。不必看刑冲尅害破散絕空。凡占疾病凶危之事。止以隨鬼入墓。卽知凶吉也。余屢於疾病之占。卦卦留神。見用爻旺者。二身隨鬼入墓而不死也。本命隨鬼入墓而不死也。化墓不死。動墓亦不死也。存而留驗。不驗又試。試之不驗。而再試之一。而十而百。全不驗者。始盡棄之。便是世爻用爻隨鬼而入日墓。入動墓。或動而化墓。亦是休囚無氣。始見凶危。若旺而有扶。亦有救解。

如申月戌辰日占夫病

、應 ○ 、世 、

癸亥命得同人之離

戌土 申金 午 亥水 丑 卯

子 財 兄 鬼 子 父

斷曰。妻占夫。亥水官鬼爲用神。墓於辰日。乃夫星夫命皆入墓也。占決斷之必死。余曰。不獨不死。明日卽愈。何也。辰日冲動戌土。以生申金。因世爻亥水空亡。不受其生。明日



己巳冲起亥水得遇金生其病如失果於次日大愈。

又如戊月甲寅日

× 應 〇世 應

占會試能聯捷否

戊土 申 官午火 申 午 辰

寅木 兄 戌土 兄 官 父

斷曰世爻隨官入三墓動墓化墓。又入月建之墓。明歲辰年冲開墓庫發榜之期。又遇辰月冲開三墓不獨連登定中鼎甲。日月合成官局旺相當時卦之全美如玉無瑕。果然傳臚三唱。

又如申月己丑

應 應 世 應

日占病得雷風

戌 申 午 酉 亥 丑

恒壬申命

財 鬼 子 鬼 父 財

此卦申命隨鬼入墓。世爻隨鬼入墓。世身又落旬空。卦身又臨月破。若執古法斷者百無一生。予因世爻旺相許未日必愈。果起床於未日。應未日者。冲開丑墓之日而出也。



古法以墓爲沉滯昏迷之象。此說是理。此人病中不思湯藥。昏昏沉沉。至未日則忽然甦醒。不藥而痊。豈可一概謂之隨鬼而入墓耶。

又如未月戊辰日占已定

寅

子

戌

酉

亥

丑

應

、

、

○世

、

×

重罪可蒙赦否得蠱之損

兄

父

財

丑

父

巳

世爻隨鬼入動墓。又動而化墓。古以爲凶。余以吉斷。日月生世。丑墓月破。破羅破網。容易而出。明歲酉年。定蒙赦免。果於次年辰月。援赦而出。

余因屢試而得驗者。止驗世爻入墓有三。世爻隨鬼入日墓。入動墓。動而化墓。

此三墓者。自占看世爻。世爻旺相者。非真。代占看用神。用神旺相者。非真。惟世爻用爻。休囚被尅。而又入墓者。是也。墓神被日月動爻冲破。亦非真也。墓破卽如破網。容易而出矣。

占功名。世旺得地。冲開墓庫之年。月成名。世若空破休囚。始終難成之象。○占身命。世



旺得地。冲開之年月發積。世爻空破休囚。終身寂寞。如日月以無光也。○占出仕出行。世旺得地。冲墓之日月遂心。世若空破休囚。多見去而不反。○占求財圖事。世旺者冲墓之日月而成。空破休囚。終無成日。○占婚姻。世旺得地。及財爻有氣而生世者。冲墓之日月而成。空破休囚。難許成就。○占疾病者。世旺得地。冲開之日月而愈。休囚空破。冲開之日月而危。近病者空則不防。出空即愈。○占獄訟者。世旺得出。休囚空破者。不免於凶。○占行人。用神化墓。或入動墓者。用旺必歸。用神空破休囚。非病於他鄉。即流落也。○占胎產。財爻子孫入動墓。化墓者。旺則冲墓之日月即生。才爻空破休囚。妻遭產厄。子孫空破休囚。子必危亡。○占入公門。世旺得地。冲墓之年月如心。空破休囚。常遭枷鎖刑獄。○占家宅。世旺者。或得財爻生世。冲開之年月興家。空破休囚。身衰家破。○占祖塋者。與家室同。推占新塋。未葬者。旺相休囚皆不宜也。○占偷關踰險。世爻旺相。又得生扶。雖則無危。憂心難釋。鬼在身邊之故耳。○占訟事。世旺者得理。空破休囚。被尅者。必遭刑獄。



諸占世爻若旺。墓爻而值空破者。待墓爻填實之月日而吉。世爻空破休囚者。又在世爻填實之月日而凶。○古以世臨破鬼。如占防患。禍患潛消。余以爲非月破。既爲白虎鬼。目下雖則無妨。實破之年月非吉。

如申月己未日

占賊來否得大

畜變泰卦

○ 應 世

寅 子 戌 辰 寅 子

子酉 財 兄 兄 鬼 財

彼時土賊興發。常去常來。鄉人了無寧日。一日忽報賊至。此人攜妻而避。因小女未來。復去抱女。同遭賊害。夫應自身之死者。世臨破鬼。而入日墓。女之死者。上爻鬼變子孫之故耳。豈可謂之世臨破鬼。禍患消耶。鬼臨月破。不動者不驗。

李我平曰。此論隨墓。令人刮目。每卦之動。墓化墓。多有見之。倘再遇辰戌丑未之日。疊疊墓爻。若兼世命二身。非此即彼。以入墓也。真無暇他論。况諸書竟不言及旺衰。概以隨墓不吉。如占功名。旺官臨身。豈可曰履仕途而不反。占防患。世臨月破。又隨鬼入墓。



豈可竟曰無憂顛倒凶吉不得不為正之。

### 獨發章第三十一

五爻俱動。一爻不動。謂之獨靜。五爻不動。一爻獨動。謂之獨發。

事之成敗。由乎用神。遲速應期。亦由乎用。獨發獨靜。古有驗之。予試亦有驗也。皆在事應之後。始會神機。非初敢執之。而斷禍福與應期也。况卦得獨靜雖少。而獨發者多。如舍其用神。執之而決事者。謬也。迂也。

曾於辰月甲午日

、應、  
、世、  
○

占請迎父王靈柩允否

巳	未	酉	辰土	寅木	子
官	父	兄	父母	丑土	子
			父	丑土	

彼有門客知易。謂寅木一爻獨發。化出丑父。乃應正月得見父靈。余曰此隔靴而搔癢也。卦中父爻持世。俱被寅木剋制。乃身不能動。父靈亦不能動也。欲身動而見父靈。必待沖開寅木之年月也。再請一卦合而決之。

又得澤

火革變

既濟卦

、世、應

未 酉 亥 丑 卯

官 父 兄 鬼 子

亥水兄弟 申金父母

余曰此卦正與前卦相合。前卦應冲開寅木者申也。此卦世化申金回頭生。亦應申月。世臨虎動。因喪事而行。卯日冲動九五。又來生世。今年申酉月。必蒙恩允。目下月破。萬萬不能。後應申年請准。酉歲迎靈而歸。此兩卦皆是獨發。可執之耶。

又如午月甲申日防漲

○應、世、

水冲去麥子占何日晴

子 申 午 亥 丑 卯

戊土子

子 財 兄 鬼 子 父

友人執此而問余曰。戊土子孫一爻獨發。昨日丙戌定皆天晴。如何還雨。余曰。爾憂麥被水冲。神以子孫發動。尅去身邊之鬼。叫爾勿憂。非應晴也。雖則目下未晴。決不漲水。即以此卦而決陰晴。卯日必大晴也。彼曰。何也。余曰。動而逢合之日晴。則爾無憂矣。果



於卯日大晴。

又如辰月甲午

日占開煤窰得

家人變益卦

丑土財爻持世。午月生之。許其可開。問應何時見煤。余曰。丑土財靜未月冲開。應在六月。及至六月。竟不見煤。歇而開。開而歇。未年占卦。至亥年辰月。始得見煤。此乃應於獨發亥水化辰土。年月俱應。斷卦之時。誰敢以亥年辰月而斷耶。

又如寅月庚戌日占女病

得水火未濟變水山蹇卦

子	兄巳	○應	×	○	×	○	○	○
戌	子未							
申	世酉							
申	兄午							
午	子辰							
父	寅							

占有以獨靜之爻。而斷應期。譬如此卦。寅木獨靜。若不用神。斷寅日生耶。斷寅日死耶。○余以此卦土為子孫。雖則休囚。得巳午火動而生之。未土子孫化進神。辰土子孫

化回頭生許之寅日當愈然亦不敢竟斷命伊母再占一卦

母占女得

姤變无妄

父	兄	鬼	辰	寅木	子
戌	申	午	酉	亥水	丑
			兄	子	父
					世

亥水子孫化寅木空亡。近病逢空即愈。出空之日亦寅日也。與前卦相合。余曰寅日大愈。目下病體雖重。管許無虞。果於寅日沉疴復醒。此雖應前卦一爻獨靜。必因用神之旺也。又得後卦顯然。方敢以寅日決之。

李我平曰。易冒以吉凶之生由乎動。所以重於動。而輕於用。事應之來不驗於用神。而驗於卦象。此教人重於獨發獨靜。不用用神者明矣。○又云雖不離用。而亦不執用爻也。此又教人用用神。不用用神也。○又曰獨發獨靜。可定時日吉凶。須看用爻。此又教人重於用爻也。

留書傳世。須一字開後人之茅塞。一言破千古之疑團。既曰用用神。又曰不用用神。註



既無定。何以爲法。得此可以醒世。

### 兩現章第三十二

用神兩現。如占父母卦中。兩見父爻者。是也。

舍其休囚。而用旺相。舍其靜爻。而用動爻。舍其月破。而用不破。舍其旬空。而用不空。舍其被傷。而用不傷。此古法也。余得驗者多。有應乎旬空月破。舍其不空。而用旬空。舍其不破。而用月破。

如未月庚子

日占求財得

風天小畜

、  
、  
、應  
、  
、世

卯 巳 未 辰 寅 子

兄 子 財 財 兄 父

應臨月建之財以尅世。許之必得。彼問何日到手。予以次日辛丑。沖動未財必得。却得財於辰土出空之日。此乃舍其不空。而用旬空。

如未月甲午

×應  
×  
、  
、世  
、  
、

日占陞遷得

師之渙卦

父	酉
兄	亥
官	丑
財	午
官	辰
子	寅

斷曰。世爻極旺。既臨日建。又得月令作官星而合世。但卦中兩現官星。一空一破。至辰年辰土之官而出空。一定高擢。然反吟於外卦。常得驗者去而復來。寅年占。果於辰年調煩於河南。五月因他故。又調回楚。十月而開督府。十年兩調一陞。皆應實空之年也。

又如亥月丙午日

、	、	應	、	×	×	世
---	---	---	---	---	---	---

母占子何時脫厄

戌	申	午	卯	子	巳	未
財	鬼	子	兄	卯	巳	財

得豫之歸妹

財	鬼	子	兄	卯	巳
---	---	---	---	---	---

余見卦中子孫三現。俱生世爻。午逢月建。而靜。兩爻巳火逢月破。許巳年脫厄。乃實破之年也。果脫厄於巳年。此乃卦中用神三現。而用月破也。

野鶴曰。余竟以月破而斷年者。非開此一卦也。因此位老夫人之長公。携印棄封疆而歸。本人自身占過。申金子孫發動。動而逢合。乃應巳年。弟又占兄。申金兄動。亦應巳年。



此卦巳火子孫回頭生世。雖逢月破。合前二卦。故敢竟許巳年。所以卜易者。一則全其靈機達變。二則卦要留神記之。若不留心。記得前卦。此卦午火日建生世。何不許其午年。況午歲又是合世之年。何敢許其巳年。許巳年者。因合前卦而斷也。

星煞章第三十二

○天乙貴人

甲戌兼牛羊。乙巳鼠猴鄉。丙丁豬雞位。壬癸兔蛇藏。

庚辛逢馬虎。此是貴人方。

假令甲戌庚日占卦。爻中見丑未者。卽是貴人。餘倣此。

○祿神

甲祿到寅。乙祿到卯。丙祿在巳。

丁祿居午。庚祿居申。辛祿在酉。

假令甲日占卦。爻中見寅爲祿。乙日占卦。爻中見卯爲祿。餘倣此。



○駟馬

申子辰馬到寅。巳酉丑馬在亥。寅午戌馬居申。亥卯未馬在巳。

假令申日子日辰日占卦。爻中見寅。卽爲駟馬。餘倣此。

○天喜

春戌。夏丑。秋辰。冬未。

假令春天正二月占卦。爻中見戌。卽是天喜。三月雖以戌爲天喜。又爲月破。若發動於卦中。扶助旺相之用神者。以之爲喜。不以爲破。餘倣此。

諸書星煞最多。余留心四十餘載。獨驗貴人祿馬天喜。然亦不能獨操禍福之權。用神旺者。見之愈吉。用神失陷。雖有如無。

李我平曰。伏羲觀奇耦。以判陰陽。文王以爻辭而斷吉凶。周公之後。決禍福於五行。易道窮矣。今兼吉凶星煞。不知起自何人。喪門。圻墓。大殺。飛廉。加此險語。驚人。往往全無應驗。易冒疾病章云。十卦不死。星煞不死。用神生者卽生。用神死者必死。余以之爲得。



理。及至星煞章中。反增許多神煞。出爾反爾。後學何從。卽如此書。得驗貴人祿馬。亦必附和用神之旺相。既不能獨操禍福之權。予亦以爲不用亦可。誠意先生千金賦曰。吉凶神煞之多端。何如生尅制化之一理。一言以蔽之矣。





上海文書局發行

歷史地理地圖各書

中華民國大地圖	中華民國分道大地圖	白話中國歷史	白話中國地理	袖珍北京備覽	北京便覽	廬山導游	英國海軍秘史	太平天國野史	清史紀事本末	清鑑輯覽	增修正續歷代通鑑輯覽
一	一	二	二	一	一	一	二	一	八	十二	中紙四十册 洋紙五册
幅	幅	册	册	册	册	册	册	册	册	册	册
七	七	六	六	三	一元八角	二	八	一元四角	二	三	十四
角	角	角	角	角	角	角	角	角	元	元	元

各省中華書局經售

18124

16938

S 5 秦慎安校勘

V. 1 增刪卜易

不  
出  
借

查

登記號數 16938

書 碼 18124

卷 數 85

備 註 V.1

不  
出  
借

○

注 意

- 1 借閱圖書以二星期為限
- 2 請勿圈點、評註、污損、折角
- 3 設有缺頁情事時請即通知出納員

臺灣省圖書館



國立中央圖書館台灣分館



3 1111 003623574